

四庫全書

經部

欽定四庫全書

經部

儀禮經傳通解續卷六

詳校官尚書臣德保

給事中臣溫常綬覆勘

總校官進士臣繆琪

校對官中書臣吳俊

謄錄舉人臣周克鵬

欽定四庫全書

儀禮經傳通解續卷六

宋黃幹撰

喪大記下六 喪禮四之下

補

世婦掌喪紀之事帥女宮而濯撫為齋盛

概古愛反
概式也為猶

差擇

拭音武清也

疏曰喪紀謂

內豎若有喪紀

次喪朝

廟設祖奠及大造奠時也

之事則為內人蹕

內人從世婦於廟者內豎為六宮蹕者以其掌內小事

疏曰此謂喪朝

廟為祖奠遣奠時也皆為內人蹕止行人也鄭知內人從世婦者內人卑不專行事明此內人從世婦而濯概及為棗盛也內豎掌內小事以其蹕止行人既是小事故還使內豎蹕也小斂條內有封人等七官大斂條內有司几筵設几席朝夕奠條內有司服共奠衣服朔月月半奠條內有籩人共薦籩羞籩外饗實鼎俎天子喪斬衰者奠諸侯喪齊衰者奠皆此條所用此以上兩條祖奠遣奠通用當互考

右陳朝祖奠

喪祝及辟令啟

鄭司農云辟謂除菽塗椁也令啟謂喪祝主命役人開之也檀弓曰天子之殯

也菽塗龍輿加斧于椁上畢塗屋疏曰除菽塗棺者天子七月而葬七日殯殯時以椁菽塗其棺及至葬時故命役小喪亦如之
小喪王后世子已下之喪
人開之

右啟

閤人喪紀之事設門燎蹕宮門廟門

燎地燭也蹕止行者廟在中門之外疏曰喪

紀設門燎蹕宮門廟門者大喪以下朝廟及出葬之時宮中及廟門皆設門燎蹕止行人也燎地燭也者燭在地曰燎謂若天子百公五十侯伯子男皆三十所作之狀蓋百根葦皆以布纏之以蜜塗其上若今牂燭矣對人手執者為手燭故云地燭也又云廟在中門之外者謂若小宗伯云左宗廟是也設燎條內有委人共薪蒸司烜氏共墳燭庭燎君堂上二燭三條並此條所通用當考

士師諸侯為賓則帥其屬而蹕

于王宮大喪亦如之

疏曰大喪在宮中謂朝廟亦在宮中為蹕也

內豎王后之

喪遷于宮中則前蹕

喪遷者將葬朝于廟疏曰將葬而往朝七廟則亦使內豎在車前蹕止行人

也 大司寇前王大喪亦如之

大喪所前或嗣王 疏曰喪是王喪復云前王明是嗣王也言

或者或是先后及王世子皆是大喪若先后及世子大喪則王為正也

小司寇前王而辟

鄭司

農云小司寇為王道辟除姦人也若今時執金吾下至令尉奉引矣

后世子之喪亦如之

疏曰謂后

世子之喪當朝廟之時王出入亦為王而辟也

閭胥凡喪紀之數聚衆庶

喪紀

大喪之事也謂王家喪紀閭胥為之聚衆庶以待驅使也

大司徒大喪帥六鄉之

衆庶屬其六引而治其政令

衆庶所致役也鄭司農云六引謂喪車索也六鄉主六引六遂

主六緇

疏曰王喪至七月而葬大司徒帥六鄉之衆庶

取一千人屬其六引挽柩鄉廣而治其政令者大司徒則檢校挽柩之事云衆庶所致役也者但六鄉七萬五千家唯取一千人致之使為挽柩之役也司農云六鄉主六引

則此經是也云六遂主六紼者案遂人職云大喪帥六遂之役而致之掌其政令及葬帥而屬六紼在棺曰紼見繩體行道曰引見用力互文以見義也

遂人大喪帥六遂之役而致之

及葬帥而屬六紼及窆陳役

屬音燭紼音弗致役致於司徒給墓上事及窆也

紼舉棺索也葬舉棺者謂載與說時也用紼旁六執之者天子其千人與陳役者主陳列之耳匠師帥監之鄉師以斧涖焉大喪之正棺殯啟朝及引六鄉役之載及窆六遂役之亦即還相終始也疏曰殯及引皆六鄉役之其墓上事及窆等六遂役之墓上則說載下棺之等窆謂穿壙之等不言在廟載事亦六遂役之不言者畧也必致於司徒者司徒雖主六鄉亦兼掌六遂之役故也云紼舉棺索者在棺則曰紼在道則曰引六遂之役不在道故據在棺而言紼也云陳役者謂下棺之時千人執紼背碑負引須陳列其人故知謂陳列之也案

大司徒職云大喪帥六鄉之衆庶屬其六引此遂人云
帥六遂之役屬六綽及寔陳役以六鄉近使主殯及啟
朝為始在祖廟之中將行載棺於蜃車屬六綽則六遂
為終也至於大道言引則還使六鄉為始至壙寔之下
棺則還使六遂為終以二處各
自為終始故云即遠為終始也
小司徒大喪帥邦役

治其政教

喪役正棺引寔復土
疏曰言正棺者謂若
七月而葬朝廟之時正棺於廟引謂葬時引

柩車自廟至壙寔謂下棺於坎天子六紼四碑背碑挽
引而下棺云復土者掘坎之時掘土向外下棺之後反
復此土以為丘
鄉師大喪用役則帥其民而至遂治

陵故云復土也

鄉師大喪用役則帥其民而至遂治

之

治謂監督其事
疏曰言大喪用役謂若喪時輓六
引之等鄉之大夫既主鄉民役用鄉民之時鄉師遂

治之監督謂監督其事
以上五條樞行
喪祝
通用內遂人小司徒二條并寔通用當互考

及朝御舊

鄭司農云朝謂將葬朝於祖考廟而後行則喪祝為御柩也檀弓曰喪之朝也順死者之

孝心也其哀離其室也故至於祖考之廟而後行殷朝而殯於祖周朝而遂葬故春秋傳曰凡夫人不殯于廟不祔于姑則弗致也晉文公卒將殯于曲沃就宗廟晉宗廟在曲沃故曰曲沃君之宗也又曰丙午入于曲沃丁未朝于武宮疏曰言及朝者及猶至也謂侵夜啟殯昧爽朝廟故云及朝云御柩者發殯宮輜車載至廟其時喪祝執纛居前以御正柩也案趙商問周朝而遂葬則是殯于宮葬乃朝廟案春秋晉文公卒殯于曲沃是為去絳就祖殯與周禮異未通答曰葬乃朝廟當周之正禮也其末世諸侯國何能同也傳合不合當解傳耳不得難經何者既夕將葬遷于祖用軸既夕是周公正經朝廟乃葬故云不得難經孔子發凡言不殯于廟不祔于姑則不致明正禮約殯于廟發凡則事關異代何者孔子作春秋以通三王之禮先鄭引之者欲見春

秋之世諸侯殯于廟亦當朝廟乃殯

小喪亦如之

小喪者王后世子已下之喪

升正

柩諸侯執紼五百人四紼皆銜枚司馬執鐸左八人右

八人匠人執羽葆御柩大夫之喪其升正柩也執引三

百人執鐸者左右各四人御柩以茅

枚音梅鐸大洛反葆音保引以慎反

茅亡交反

升正柩者謂將葬朝于祖正棺于廟也五

百人謂一黨之民諸侯之大夫邑有三百戶之制紼引

同耳廟中曰紼在塗曰引互言之御柩者居前道正之

大夫士皆二紼

疏曰升正柩者謂將葬朝于祖廟柩

升廟之西階正於兩楹之間其時柩北首故既夕禮云

遷于祖用軸升自西階正柩于兩楹間是也四紼皆銜

枚者謂執紼之人皆銜枚止喧囂也司馬夏官主武

故執金鐸率衆左右各八人夾柩以號令於衆也匠人

執羽葆御柩者以鳥羽注於柄頭如蓋謂之羽葆葆謂蓋也匠人主宮室故執羽葆居柩前御行於道示指揮柩於路為進止之節也然周禮喪祝御柩此云匠人者周禮王禮此諸侯禮也案周禮注六鄉主六引六遂主六綽經云執綽則應舉六遂而言黨者此非辨鄉遂之殊正取五百人是一黨之人數耳云諸侯之大夫邑有三百戶之制者謂小國中下大夫也故鄭注易訟卦云小國之下大夫采地方一成其定稅三百家故三百戶也其實大國下大夫亦三百戶故論語云管仲奪伯氏駢邑三百注云伯氏齊大夫是齊為大國下大夫亦三百家也下大夫三百家一成之地一成所以三百家者一成九百夫宮室塗巷山澤三分去一餘有六百夫地又不易再易通率一家而受二夫

喪祝乃奠
玄謂乃奠

之地是定稅三百家也
雜記

奠 疏曰乃奠者案既夕禮朝廟之時重先奠從燭從柩從彼奠乃昨夜夕奠至廟下棺於廟兩楹之間設此

宿奠至明徹去宿奠乃設此朝廟之奠於柩西故云乃奠

小喪亦如之

小喪王后世子已下之喪

天府凡吉凶之事祖廟之中沃盥執燭

吉事四時祭也凶事后王

喪朝于祖廟之奠

疏曰他官在祖廟中沃盥者小祝大祭祀沃尸盥小臣大祭祀沃王盥此二官所沃盥在

祖廟中則天府為之執燭其若士師云祀五帝沃尸盥非祖廟事則不與執燭也云凶事王后喪朝于祖廟之奠者王及后喪七月而葬將葬當朝六廟後乃朝祖廟祖廟中日側為祖奠殷明將去為大造奠皆有沃盥之事

遂師大喪共蜃車之役

蜃車柩路也柩路載柳四輪造地而行有似於蜃因

取名

稍人大喪帥蜃車與其役以至掌其政令以聽

於司徒

蜃車及役遂人共之稍人者野監是以帥而致之既夕禮曰既正柩賓出遂匠納車于階間則

天子以至于士柩路皆從遂來疏曰案遂人職云大喪帥六遂之役而致之又云及葬帥而屬六綽又遂師職亦共丘籠及蜃車之役故知遂人共之也云稍人者野監是以帥而致之者以其監三等采地是野監故得并監六遂蜃車之事也司徒地官卿掌徒庶之政令故稍人帥衆以聽於司徒也云天子至士柩路皆從遂來者此經舉天子既夕下舉士則其中有諸侯卿大夫之喪柩路皆從遂人來可知

巾車小喪

共匱路

疏曰言大喪據王不別言后與世子則此喪中可以兼之載柩車即蜃車

祥車曠

左

空神位也祥車葬之乘車

疏曰葬時魂車也車上貴左故僕在右空左以擬神也曲禮已上四條

柩行通用又至壙條陳車室條喪不以制此條通用當互考

國人凡賓客喪紀牽

馬而入陳

喪紀之馬啟後所薦馬疏曰雖同牽馬入陳賓客喪紀所陳有異據賓客則在館天子

使人就館而陳之若喪紀則謂將葬朝廟時既夕禮薦馬纓三就天子朝廟亦當在祖廟中陳設明器之時亦遣人薦馬及纓入廟陳

廡馬亦如之

廡馬遣車之馬人捧之亦牽而入陳

疏曰此遣車則天子九乘載所苞遣奠以入壙皆人捧之云亦牽而入陳者亦以祖廟陳此明器也但遣車及馬各使人別捧故上注云行則解脫之是也

士喪有

與天子同者三其終夜燎及乘人專道而行

詳見士喪禮朝祖條

右朝祖奠薦車馬

叔孫豹卒杜洩將以路葬且

盡卿禮季孫使杜洩舍路不可曰夫子受命於朝

而聘於王

在襄二十一年

王思舊勲而賜之路

感其有禮以念其先

人復命而致之君

豹不敢自乘

君不敢逆王命而復賜

之使三官書之吾子為司徒實書名

謂季孫也書名定位號

夫子為司馬與工正書服

謂叔孫也服車服之器工正所書

孟孫

為司空以書勲

勲功也

今死而弗以是棄君命也書

在公府而弗以是廢三官也若命服生弗敢服死

又不以將焉用之遂使以葬

昭四年春秋左氏傳

鄭公孫

蠆卒赴於晉晉侯善於伐秦也六月晉侯請於王

王追賜之大路使以行禮也

大路天子所賜車之摠名以行葬禮傳言

大夫有功則賜服路
襄十九年春秋左氏傳

喪祝及祖飾棺乃載

祖為行始其序載而後飾
言飾棺乃載者既載乃飾案既夕

禮遂匠納車於階間却柩而下棺乃飾棺設帷荒之屬
天子之禮亦是先載乃飾棺云其序載而後飾者鄭見
經先言飾棺後言乃載於文小喪亦如之
倒故依既夕禮先載而後飾

右載

縫人

縫劉扶
用反

掌縫棺飾焉

孝子既啟見棺猶見親之身
既載飾而以行遂以葬若存

時居于帷幕而加文繡喪大記曰飾棺君龍帷三池故
書焉為馬杜子春云當為焉
疏曰既載飾而以行遂
以葬者案既夕禮日側遂匠納車於階間卻柩而下載
之於廬車之上乃加帷荒飾棺訖乃還車向外移柩車

去載處設祖奠明日旦乃更徹祖奠設遣奠苞牲取下
體乃引向壙故云既載飾而以行遂以葬也若存時居
于帷幕而加文繡者幕人共帷幕幄帟綬鄭注云在旁
曰帷在上曰幕是存時居于帷幕而云加文繡者生時
帷幕無文繡令死恐衆惡其親更

衣柳翬之材

衣於既反必

加文繡即所引喪大記已下是也
先經衣其木乃以張飾也柳之言聚諸飾之所聚
曰翬即方扇是也柳即帷荒是也二者皆有材縫人以
采繒衣纏之乃

飾棺君龍帷三池振容黼荒火三列

後張飾於其上

黼三列素錦褚加偽荒纁紐六齊五采五貝黼翬二黻
翬二畫翬二皆戴圭魚躍拂池君纁戴六纁披六大夫
畫帷二池不振容畫荒火三列黻三列素錦褚纁紐二

玄紐二齊三米三貝黻翬二畫翬二皆戴綏魚躍拂池

大夫戴前纁後玄披亦如之士布帷布荒一池掄絞纁

紐二緇紐二齊三米一貝畫翬二皆戴綏士戴前纁後

緇二披用纁

掄音遙注同紐音女九反齊如字才細反翬所甲反戴丁代反緇側其反披彼義反

除甫髮反

飾棺者以華道路及墻中不欲衆惡其親也荒蒙也在旁曰帷在上曰荒皆所以衣柳也士布帷

布荒者白布也君大夫加文章馬黼荒緣邊為黼文畫

荒緣邊為雲氣火黻為列於其中耳偽當為帷或作于

聲之誤也

大夫以上有褚以襯覆棺乃加帷荒於其上

紐所以結連帷荒者也池以竹為之如小車苓衣以青

布柳象宮室縣池於荒之爪端若承雷然云君大夫以

銅為魚縣於池下掄掄程也青質五色畫之於絞緇而

垂之以為振容象水草之動搖行則又魚上拂池雜記
曰大夫不揄綬屬於池下是不振容也士則去魚齊象
車蓋綈縫合雜采為之形如瓜分然綴貝落其上及旁
戴之言值也所以連繫棺束與柳材使相值因而結前
後披也漢禮翼以木為筐廣三尺高二尺四寸方兩角
高衣以白布畫者畫雲氣其餘各如其象柄長五尺車
行使人持之而從既窆樹於壙中檀弓曰周人牆置翼
是也綬當作綈讀如冠綈之綈蓋五采羽注於翼首也
疏曰此明葬時尊卑棺飾君龍帷者諸侯柳車邊障
以白布為之王侯皆畫為龍象人君之德故云龍帷也
池謂織竹為籠衣以青布挂著於柳上荒邊爪端象平
生宮室有承雷也天子生有四注屋四面承雷柳亦四
池象之諸侯屋亦四注而柳降一池闕於後一故三池
也振容者振動也容飾也謂以綬繒為之長丈餘如幡
畫幡上為雉縣於池下為容飾車行則幡動故曰振容
黼荒者荒蒙也謂柳車上覆謂黼甲也緣荒邊為白黑

欽定四庫全書

卷六

斧文故云黼荒火三列者列行也於黼甲黼文之上荒中央又畫為火三行也火形如半環也黻三列者又畫為兩已相背為三行也素錦白錦也褚屋也於荒下又用白錦以為屋也葬在路象宮室也故雜記云素錦以為屋而行即褚是也加偽荒者惟是邊牆荒是上蓋褚覆竟而加惟荒於褚外也纁紐六者上蓋與邊牆相離故又以纁為紐連之相著旁各三凡用六紐也齊五采者謂黼甲上當中央形圓如車蓋高三尺徑二尺餘五采謂人君以五采緇衣之列行相次故云五采也五貝者又連貝為五行交絡齊上也黼翼二黻翼二畫翼二翼形似扇以木為之在路則障車入棹則障柅也凡有六故二畫為黼二畫為黻二畫為雲氣諸侯六天子八禮器云天子八翼諸侯六大夫四鄭注縫人云漢禮器制度飾棺天子龍火黼黻皆五列又有龍翼二其載皆加璧也皆戴圭者謂諸侯六翼兩角皆戴圭玉也魚躍拂池者凡池必有魚故此車池縣絞雉又縣銅魚於池

下若車行則魚跳躍上拂池也隱義曰振容在下是魚在振容間君纁戴六者事異飾棺故更言君也纁戴謂用纁帛繫棺紐著柳骨也戴值也使棺堅值棺橫束有三每一束兩邊輒各屈皮為紐三束有六紐今穿纁戴於紐以繫柳骨故有六戴也纁披六者纁謂亦用絳帛為之以一頭繫所連柳纁戴之中而出一頭於帷外人牽之亦有六也謂之披者若車登高則引前以防軒車適下則引後以防翻車欹左則引右欹右則引左使車不傾覆也大夫畫帷者不得為龍畫為雲氣二池者不得三故二也庾云兩邊而已賀云前後各一不振容者謂不以揄絞屬於池下為振容也其池下揄絞則有也畫荒者不為斧而為雲氣也火三列黼三列素錦褚者與君同也纁紐二玄紐二者不得六故用四以連四旁也不并一色故二為纁二為玄也齊三采者絳黃黑也三貝者又降二也黻翼二畫翼二者降兩黼也皆戴綏者翼角不圭但用五采羽作綏注翼兩角也魚躍拂池

者無絞雉而有縣銅魚也大夫戴前纁後玄者事異故更言大夫也降人君故不並用纁也其數與披同用四也披亦如之者色及數悉與戴同也士布帷布荒者士惟及荒皆白布為之而不畫也一池者唯一池在前也掄絞者亦畫掄雉於絞在於池上而池下無振容大夫既不振容明士亦不振容於池下纁紐二緇紐二者又降用纁緇也猶用四連四旁齊三采者與大夫同也一目者又降二行但一行絡之耳畫翼二皆戴綏者又降二轂也池上翼悉綏故云皆也士戴前纁後緇者士異故重言士也戴當棺束每束各在兩邊前頭二戴用纁後頭二戴用緇通兩邊為四戴舉一邊即兩戴也一披用纁者據一邊前後各一披故云二披用纁若通兩旁則亦四披也云紐所以結連惟荒者荒在上惟在旁屬紐以結之與束棺屬披之紐別也云池以竹為之如小車之箱必猶狹長故云如小車簠云縣池於荒之

爪端謂荒之材出外若人之指爪而縣此池於荒之爪
端其池若宮室之承雷云揄揄翟也青質五色者爾雅
釋鳥文經云揄紋故知畫揄於紋繒也云齊象車蓋
者凡車蓋四面有垂下翟今此齊形象此車蓋及翟謂
上象車蓋旁象蓋翟云縫合雜采豎有限攝如爪內之子以
言齊形既圓上下縫合雜采豎有限攝如爪內之子以
穰為分限然也喪大記

大夫不揄紋屬於池下

揄揄翟也采青黃之間曰紋屬於

猶繫也入君之柳其池繫紋繒於下而畫翟雉焉名曰
振容又有銅魚在其間大夫去振容士去魚此無人君
及士亦爛脫疏曰諸侯以上則畫揄翟於紋屬於池
下若大夫降下人君不得畫以揄紋屬於池下其池上
則畫揄紋也故喪大記士亦有揄紋與大夫同但不得屬於池下
離記

天子七月而葬

五重八翣諸侯五月而葬三重六翣大夫三月而葬再

重四翼

重直龍反

天子葬五重者謂抗木與茵也葬

者抗木在上茵在下士喪禮下篇陳器曰抗木

橫三縮二加抗席三加茵用疏布緇翦有幅亦縮二橫

三此士之禮一重者以此差之上公四重疏曰古者

為椁累木於其四邊上下不周致茵於椁下所以藉棺

從上下棺之後又置抗木於椁之上所以抗載於上引

士喪禮下篇陳器云云者以士禮一重證此經葬五重

三重之義也皇氏云下棺之後先加折於廣上以承抗

席折猶履也方鑿連本為之蓋如牀縮者三橫者五無

簣於上加抗木抗木之上加抗席三此為一重如是者

五則為五重茵者藉棺外下緇用淺色緇布為之每將

一幅輒合縫為囊將茅秀及香草著其中如今有絮緇

也而縮二橫三每為一重也抗木上橫三下縮二以其

在上象天天數奇故上三也下象地地數偶故下二也

茵則上直二下橫三茵既在上下法地也上數二象地

下數三象天以天三舍地二人中央也云以此差之上

公四重者案天子既五諸侯乃三案豆數及棺之重數
上公與諸侯不同今諸侯既三明上公四重凡儀禮之
例一種席皆稱重故燕禮注云重席重蒲筵是也凡席
有雨則稱二重有一則稱一重與棺重別也 禮器

有虞氏之綏夏后氏之綢練殷之崇牙周之璧翬

綏

往反綢吐刀反徐音籌翬所甲反 綏亦旌旗之綏也
夏綢其杠以練為之旒殷又刻繒為重牙以飾其側亦
飾彌多也湯以武受命恒以牙為飾也此旌旗又翬皆
喪葬之飾周禮大喪葬巾車執蓋從車持旌御僕持翬
旌從遣車翬夾柩路左右前後天子八翬皆戴綏垂羽
諸侯六翬皆戴圭大夫四翬士二翬皆戴綏孔子之喪
公西赤為志亦用此焉爾雅說旌旗曰素錦綢杠練帛
繆素升龍於繆練旒九 從才用反遣棄戰反繆所銜
反 疏曰此明魯有四代喪葬旌旗之飾注綏亦旌旗
之綏者以前經云夏后氏綏是旌旗之綏故云綏亦旌

旗之綏謂注旄竿首也云夏綱其杠以練為之旒者既綱杠以練又以練為旒也云湯以武受命恒以牙為飾也者前經云箕簾既以崇牙為飾此旌旗又飾以崇牙故云恒也周人尚文更以他物飾之引周禮大喪葬御僕持翼者明葬有旌旗亦翼之義云天子八翼皆戴璧者天子八翼禮器文皆戴璧即此璧翼天子之禮也云諸侯六翼皆戴圭大夫四翼士二翼皆戴綏並喪大記文也明堂位

喪祝凡卿大夫

之喪掌事而飾棺焉

詳見小敘條

右飾棺

翼披旌旗

孔子之喪公西赤為志焉

公西赤孔子弟

子志謂章識

飾棺牆

牆之障柵猶垣牆障家

置翼

牆柳衣翼以布衣木如攝與

設披周也設崇殷也綱練設旒夏也

夫子雖殷人兼用三王之

禮尊之披樞行夾引棺者崇牙旌旌飾也綢練以練綢旌之杠此旌葬乘車所建也旌之旒緇飾廣充幅長尋曰旒爾雅說旌旗曰素錦飾杠疏曰公西赤以飾棺榮夫子故為盛禮備三王之法以章明志識焉於是以素為褚褚外加牆車邊置翼恐樞車傾虧而以繩左右維持之此皆周之法也其送葬乘車所建旌旗刻繒為崇牙之飾此則殷法又韜盛旌旗之竿以素錦於杠首設長尋之旒此則夏禮也既尊崇夫子故兼用三代之飾也又曰旌之旒緇布廣充幅長尋曰旒爾雅釋天文引之者證經中設旒夏也案鄭注明堂位云有虞氏當言綏夏后氏當言旗以此差之古代尚質有虞氏但注旒竿首未有繒帛故云綏也夏家漸文故有素錦綢杠又垂八尺之旒故夏云旂也周則文物大備旗有九等垂之以綵繫之以旒又有交龍之旂龜蛇之旒與夏不同夏雖八尺之旒更無餘

飾又引爾雅素錦綢杠者證經文綢練練則素錦用以為綢杠也又曰夫子用三代之禮不為僭者

用其大夫之

禮耳檀弓

司服大喪共其廡衣服

廡陳也玄謂廡衣服所藏於棹中疏曰此則明器之衣服亦

沽而小者也自衣服以下並獻明器條通用

司常大喪建廡車之旌及葬

亦如之

葬云建之則行廡車解說之疏曰此謂在廟陳時建之謂以廡旌建於遣車之上及葬亦如

之此謂入壙亦建之云建之則行廡車解說之者在廟陳時云建葬時亦建惟有在道去之使人各執遣車又當各執廡旌是行

車僕大喪廡革車

言興革車則遣車不徒戎路廣

闕革輕皆有焉疏曰經不云戎路而云革車亦是五戎之總名故知不徒戎路廣闕革輕皆有可知若然王

喪遣車九乘除此五乘之外加金玉象木四者則九乘矣

巾車大喪飾遣車遂

廠之行

廠興也謂陳駕之行之使人以次舉之以如墓也遣車一曰鸞車疏曰遣車謂將葬遣

送之車入壙者也言飾者還以金象革飾之如生存之車但麤小為之耳注後鄭訓廠為興即言為陳駕之者

解廠為陳駕也案車僕云大喪廠革車彼廠謂作之此文既言飾遣車已是作更言遂廠之故以陳駕解廠也云行之使人以次舉之以如墓也者當在朝廟之時於始祖廟陳器之明且大遣奠之後則使人以次抗舉又各執其一以如墓也案家人云及葬言鸞車象人是名遣車為鸞車

司裘大喪廠裘飾

皮車

皮車遣車之革路故書廠為淫鄭司農云淫裘陳裘也玄謂廠興也若詩之興謂象似而作之凡為

神之偶衣物必沽而小耳疏曰飾皮車者亦謂明器之車以皮飾之注皮車遣車之革路者案冬官考工記

飾車欲侈棧車欲奔除棧車之外皆用革輓即此皮車非專革路鄭特云皮車革路者此司裘所飾唯革路而已故書廡為淫鄭司農云淫襄陳裘也此周禮一部之內稱廡者衆多故書皆為淫先鄭皆為陳後鄭皆破從興與謂象興生時之物而作之必知為陳非為興是者車僕云大喪廡革車園人云廡馬亦如之即是所廡車馬又禮記檀弓云竹不成用瓦不成味琴瑟張而不平筭筮備而不和皆是興象所作明器非陳設之理故不從先鄭玄謂廡興也若詩之興謂象似而作之者象似生時而作但廡惡而小耳

校人大喪

飾遣車之馬及葬埋之

言埋之則是馬塗車之芻靈疏曰檀弓孔子云塗車芻靈自

古有之謂為俑者不仁古者以泥塗為車芻靈謂以芻草為人馬神靈至周塗車仍存但刻木為人馬替古者芻靈今鄭云塗車之芻靈則是仍用芻靈與檀弓違者鄭但舉古之芻靈況周耳非謂周家仍用芻靈也

條內有冢人鸞車象人此條通用當互考

圉人凡喪紀廡馬

詳見朝祖奠條

遣

車視牢具

言車多少各如所包遣奠牲體之數也然則遣車載所包遣奠而藏之者與遣奠天子大

牢包九箇諸侯亦大牢包七箇大夫亦大牢包五箇士少牢包三箇大夫以上乃有遣車疏曰遣車從葬載

牲體之車也牢具遣奠所包牲牢之體貴賤各有數也一箇為一具取一車載之也故云視牢具遣車所用無

文因此視牢具故云載所包遣奠而藏之者與與者疑辭也云天子大牢包九箇以下者以既夕禮遣奠用少

牢以上約之明大夫以上皆大牢包九箇者以檀弓云國君七箇大夫以上乃有遣車者諸侯大夫位尊雖無

三命則有車馬之賜及天子上士三命皆得有遣車諸侯士以下賤故無遣車也

雜記

君之適

長殤車三乘公之庶長殤車一乘大夫之適長殤車一

乘皆不成人也。自上而降，殺以兩成人，遣車五乘。長
殤三乘，下殤一乘。尊卑以此差之。庶子言公卑遠之
傳曰：大功之殤，中從上。疏曰：此一節論諸侯及卿大
夫之子送葬遣車之數。且遣車之數貴賤不同。若生有
爵命車馬之賜，則死有遣車送之。諸侯七乘，大夫五乘，
諸侯既七乘，降殺宜兩則。王宜九乘，士三乘也。今此所
明，並是殤未成人，未有爵命車馬之賜，而得遣車者，言
其父有之，得與子也。王九乘，若適子成人，則應七乘。在
長殤而死，則五乘。中殤從上，亦五乘。下殤三乘也。若王
庶子成人，則應五乘。長殤中殤三乘，下殤一乘也。諸侯
既自得七乘，其適子成人，五乘。長殤三乘，故君之適長
殤車三乘也。中則從上，若下殤則一乘也。公之庶長殤
車一乘者，公亦諸侯也。適長殤既三乘，庶子若成人，乃
三乘。而長殤則一乘，故云車一乘也。中殤亦從上，若下
殤則無大夫之適長殤車一乘者。大夫自得五乘，適子
成人，三乘。長殤降二故一乘也。中殤從上，亦一乘。若下

殤及庶殤並不得也案下注云人臣賜車馬乃得有遣車禮三命始賜車馬但喪禮質畧天子之臣與諸侯之臣命數雖殊喪禮不異故鄭云大夫以上乃有遣車文主天子大夫其實兼諸侯大夫也鄭以士無遣車者文主諸侯之士其實亦兼天子中下士也雜記云遣車視牢具則遣車一乘當苞一箇士無遣車既夕禮苞三箇者亦是豐小殺大禮之義若服虔之意視牢具者視饗餼牢具故襄二十五年崔杼葬莊公下車七乘服注云上公饗餼九牢遣車九乘與此異也注君是對臣之名有地大夫以上皆有君號公則五等之上又同三公之尊今庶子言公就其尊號是卑遠於庶子也此有公君相對故為此解若文無所對嫡亦稱公故喪服云公子嫡子是也又引鄭喪服傳云大功之殤中從上者證此遣車亦從上也

檀弓

司兵大喪廬五兵
廬興作明器之役器

五兵也士喪禮下篇有甲冑干笄疏曰案既夕禮明器之用器有弓矢役器有甲冑干笄彼雖不具五兵此旣言

五兵明五者皆有也故鄭引士喪禮下篇甲冑干笮為證

司弓矢大喪共明弓矢

矢

明器之用器也士喪禮下篇曰用器弓矢疏曰明器中有用器役器役器中有甲冑干笮用器中有弓矢故鄭還

引用器為證也

司干大喪廡舞器及葬奉而藏之

疏曰此官掌干盾及

羽籥及其所廡廡干盾而已其羽籥籥師廡之

樂師凡喪陳樂器則帥樂官

帥

官往陳之疏曰喪言凡者大喪小喪皆有明器之樂器故言凡以該之樂師謂笙師鐃師之屬廡樂藏之者也云往陳之謂如既夕禮陳器於祖廟之前庭及壙道東者也

大司樂大喪涖廡樂器及葬

藏樂器亦如之

涖臨也廡興也疏曰鄭知臨笙師鐃師謂作之也

者案笙鐃師皆云喪廡其樂器奉而藏之司干亦云大喪廡舞器此不言之即屬中兼之也此臨藏樂器

還臨笙師鑄師等故
彼皆云奉而藏之也

眡瞭大喪廡樂器

疏曰大喪廡樂器謂明器

故檀弓云木不咸斲瓦不成味竹不成用琴瑟張而不平等笙備而不和是沽而小耳是臨時乃造之

笙師大喪廡樂器及葬奉而藏之

廡興也興謂作之奉猶送

鑄師

大喪廡其樂器奉而藏之

疏曰此官所廡謂作晉鼓鼗鼗

籥師大喪

廡其樂器奉而藏之

疏曰此所廡作惟羽籥而已不作餘器

典庸器大

喪廡筍簠

疏曰案檀弓有鍾磬而無筍簠鄭注云不縣之彼鄭注見此文有筍簠明有而不縣以喪

事畧
故也

右陳明器 曾子曰晏子可謂知禮也已恭敬之

有馬

言禮者敬而已矣

有若曰晏子一狐裘三十年遣車

一乘及墓而反國君七個遣車七乘大夫五个遣

車五乘晏子焉知禮

言其太儉偏下非之及墓而反言其既窆則歸不留賓客

有事也人臣賜車馬者乃得有遣車遣車之差大夫五諸侯七則天子九諸侯不以命數喪數畧也

个謂所包遣奠牲體之數也雜記曰遣車視牢具

疏曰晏子故為非禮以矯齊之事有子聞曾子

說晏子知禮故舉晏子不知禮之事以拒曾子也

狐裘貴在輕新而晏子一狐裘三十年是儉不知

禮也遣車一乘者其父晏桓子是大夫大夫遣車

五乘其葬父惟用一乘又是儉失禮也及墓而反

者及墓謂葬時也注云不留賓客有事者案士既

夕禮乃窆主人哭踊無筭襲贈用制幣玄纁束拜

稽顙踊如初卒袒拜賓主婦亦拜賓賓出則拜送
藏器於旁加見藏苞筭於旁加抗席覆之加抗水
實土三主人拜鄉人乃反哭今晏子既室贈幣拜
稽顙踊訖則還不復拜賓及送賓之事故云不留
賓客有事也又是儉失禮也國君七个遣車七乘
大夫五个遣車五乘此更舉正禮以證晏子失禮
也个謂所包遣奠牲體臂臠也拆為七段五段以
七乘五乘遣車載之今晏子畧不從禮數是不知
也又注云言其大儉偪下非之太儉解三十年一
狐裘并及墓而反也偪下解一乘也下謂其子及
凡在已下者也大夫五乘適子三乘今
其父自用一乘則其子便無是偪下也

無道君子恥盈禮焉國奢則示之以儉國儉則示

之以禮

時齊方奢
是也檀弓

宋襄公葬其夫人醯醢

百甕曾子曰既曰明器矣而又實之

言名之為明器而與祭器

皆實之是亂鬼器與人器疏曰案既夕禮陳明器後云無祭器鄭云士禮畧也大夫以上兼用鬼器與人器若此大夫諸侯並得人鬼兼用則空鬼而實人故鄭云與祭器皆實之是亂鬼器與人器也士既無人器則亦實明器故既夕禮云甕三醯醢屑又云甗二醴酒也夏后氏專用明器則分半以實之殷人全用祭器則亦分半以虛之周人兼用明器人器人器實之明器虛之同上

喪祝及祖飾棺遂御

鄭司農云祖謂將葬祖於庭象生時出則祖也故曰事死如事生禮

也檀弓曰飯於牖下小斂於戶內大斂於阼殯於客位祖於庭葬於墓所以即遠也祖時喪祝主飾棺遂御之喪祝為柩車御也玄謂祖為行始飾棺設柳池紐之屬既飾當還車鄉外喪祝御之御之者執翣居前卻行為

節度 疏曰言及祖者及至也初朝禰次朝二桃次朝
始祖后稷之廟至此廟中設祖祭案既夕禮請祖期曰
日側是至祖廟之中而行祖祖始也為行始飾棺訖乃
還車向外移柩車去載處至庭中車西設祖奠云遂御
者加飾訖移柩車喪祝執纛却行御正柩故云遂御之
小斂條有封人等七官大斂條有司几筵設葦席朝
夕奠條內有司服共奠衣服朔月月半奠條內有籩人
共薦籩羞籩外饗實鼎俎天子喪斬衰者奠諸侯喪齊
衰者奠啟條內有世婦濯漑為盥盛內
登為內人蹕皆祖奠所通用當互考

右祖奠

大師大喪帥瞽而歆作籥謚

廡興也興言王之行謂諷誦其治功之詩故書廡為

淫鄭司農云淫陳也陳其生時行迹為作謚 疏曰大
喪言凡則大喪中兼王后雖婦從夫謚亦須論行乃謚

之言帥瞽者即帥瞽矇歌王治功之詩厥作匯謚者匯即樞也古字通用之以其興喻王治功之詩為樞作謚故云厥作樞謚是以瞽矇職云諷誦詩謂作謚時也又注云厥興也者周禮之內先鄭皆從湮為陳後鄭皆為興引之在下者以無正文亦得為一義故也

瞽矇諷誦詩世奠繫鼓琴瑟

玄謂諷誦詩主謂厥作樞謚時也諷誦王治功之詩以為謚世之而定其繫謂書於世本也雖不歌猶鼓琴瑟以播其音美之疏曰諷誦詩謂於王喪將葬之時則使此瞽矇諷誦王治功之詩觀其行以作謚葬後當呼之也世奠繫者奠定也謂辨其昭穆以世之序而定其繫繫即帝繫世本是也鼓琴瑟者詩與世本二者雖不歌詠猶鼓琴瑟

小師大喪與厥

從大師疏云大師

也之
大祝作六辭以通上下親疏遠近六曰誅

誅謂積累生時

德行以賜之命主為其辭也春秋傳曰孔子卒哀公諱之此皆有文雅辭令難為者也故大祝主作六辭或曰諱論語所謂諱曰

將爾于上下神祇

大史大喪遣之日讀諱

遣謂祖廟之庭大奠

將行時也人之道終於此累其行而讀之大師有帥瞽廢之而作謚瞽史知天道使其事言王之諱謚成於天道疏云人之道終於此者以其未葬已前孝子不忍異於生仍以生禮事之至葬送形而往迎魂而反則以鬼事之故既葬之後當稱謚故諱生時之行而讀之此經諱即累也云大師又帥瞽廢之而作謚者瞽史既知天道又於南郊祭天之所稱天以諱之是王之諡成於天道也若然先於南郊制謚乃遣之日讀之葬後則稱凡喪事攷焉為有小喪賜謚大史雖賜之謚不讀使小史讀之故小史職云卿大夫之喪賜謚讀諱彼注云其讀諱亦以大史賜謚為節事相成其卿大夫將作謚

欽定四庫全書

卷六

儀禮經傳通解續

三

之時其子請於君君親為之制謚謚成使大史往賜之
小史至遣之日往為讀之檀弓云公叔文子卒其子成
請謚於君謚曰貞惠文子是其事也明王禮亦當然其
諸侯之法案曲禮言謚曰類以其象聘問之禮見天子
乃使大史賜之謚小史不讀之以其諸侯自有
史此直言小喪賜之謚則三公諸侯亦在焉 小史

大喪佐大史卿大夫之喪賜謚讀誄

其讀誄亦以大史
賜謚為節事相成

疏曰賜謚大史之事非小史但小史於大史賜謚之
時須誄列生時行迹而讀之故云其讀誄亦以大史賜
謚為節云事相成者謚法
依誄為之故云事相成 惟周公旦太公望開嗣王

發建功于牧野及終將葬乃制謚法遂叙謚法謚者行

之迹號者功之表

古者有大功則賜
之善號以為稱也

車服者位之章也

是以大行受大名細行受小名行出於己名生於人

是名

謚號壹民無為曰神

以至無為神道設教

一德不懈曰簡

一不委曲

靖民

則法曰皇

靖安

平易不訾曰簡

不信訾毀

德象天地曰帝

同於天地

尊賢貴義曰恭

尊事賢人龍貴義士

仁義歸往曰王

民往歸之

敬事供

上曰供

供奉也

立志及衆曰公

志無私也

尊賢敬讓曰恭

敬有德讓

有執應八方曰侯

所執行八方應之

既過能改曰恭

言自知也

賞慶

刑威曰君

能行凶者

執事堅固曰恭

守正不移

平正不阿曰君

民從

之愛民長悌曰恭

順長按下

揚善賦簡曰聖

所稱得人所善得實所數得簡執

欽定四庫全書

儀禮經傳通解續

三

禮御賓曰恭

迎侍賓也

敬祀享禮曰聖

既敬於祀能通神道

茫親之闕

曰恭

修德以益之

照臨四方曰明

以明照之

尊賢讓善曰恭

不專已善

推之於人

譖訴不行曰明

逆知之故不行

威德悉備曰欽

威則可畏儀則可象

經緯天地曰文

成其道

大慮慈民曰定

思樹德

道德博聞曰文

無不知

純行不差曰定

行一不傷

學勤好問曰文

不恥下問

安民大

慮曰定

以慮安民

慈惠愛民曰文

惠以成文

安民法古曰定

不失舊意

愍民惠禮曰文

惠而有禮

闢土有德曰襄

取之以義

賜民爵位曰

文

與同升

甲冑有勞曰襄

亟征伐

綏柔土民曰德

安民以柔安土以事

小心畏忌曰僖

知難而退

諫慮不威曰德

不以威拒諫

有伐而還

曰釐

知難而退

剛強直理曰武

剛無欲強無撓直正直理忠恕

質淵受諫曰

僖

深故能受

威強直德曰武

與有德者敵

溫柔賢善曰懿

性純善

克

定禍亂曰武

以兵往故能定

心能制義曰度

制事得宜

刑民克服曰

成

法以正民能使服也

聰明叡哲曰獻

有過知

夸志多窮曰武

大

兵行多所窮

智質有聖曰獻

有所通而無蔽

安民立政曰成

政以安民

五

宗安之曰孝

五世之宗

淵源流通曰康

性無忌

慈惠愛親曰孝

周愛親族

溫年好樂曰勤

好豐年勤民事

協時肇厚曰孝

協和肇始常如初

秉德不回曰孝

順於德而不違

安樂撫民曰康

無四方之虞

令民安

樂曰康

富而教之

執心克壯曰齊

能有嚴

布德執義曰穆

舜典四門

穆

輕輜供就曰齊

輜有所輕而供成

中情見貌曰穆

性心露也

甄心

動懼曰頃

甄情

容儀供美曰昭

有儀可象行供可美

敏以敬慎曰頃

疾於所敬

昭德有勞曰昭

能勞謙

柔德安衆曰靜

成衆使安

聖善周

聞曰宣

通於善道聲教宣聞

供已解言曰靖

恭已正平少言而中

治而無省

曰平寬樂令終曰靖

性寬樂義以善自終

執事有制曰平

不任意

威

德剛武曰圍

禦亂患

布網治紀曰平

施之政事

彌年壽考曰胡

久其忠義而濟曰景用義而成保民者父曰胡六十者七十父者意

大慮曰景者強也疆毅果敢曰剛釐於義致志固布義行剛曰景

以剛行義追補前過曰剛勸善以補過清白守節曰貞行清白執志固猛

以剛果曰威猛則少寬果敢行大慮克就曰貞不隱無屏

曰貞疆毅執正曰威闢土服遠曰桓以武力征四夷治典不殺

曰祈秉常不衰克敬動民曰桓教以使之大慮行節曰孝言成其節闢

土兼國曰桓兼人故敢土治民克盡曰使克盡恩惠能思辯衆曰

元別之使各有次好和不爭曰安坐在少斷行義說先曰元民說道其義

德純一日思

道大而德一

始建國都曰元

非善之良何以始之

大省兆

民曰思

大親民而不侈

主義行德曰元

以義為主

外內思索曰思

言求

善

聖善周聞曰宣

聞謂所聞善事

追悔前過曰思

思而能改

兵革亟

作曰壯

以數征為嚴

行見中外曰愬

表裏如一

其圉克服曰壯

禁圉

敵人能使服之

狀古述今曰譽勝敵克亂曰壯

勝敵故能克亂

昭功寧

民曰商

商度事宜所以安民

死於原野曰壯

非嚴何以死難

克殺秉正曰

夷

秉政不任賢

屢征殺伐曰壯

以嚴整之

安民好靜曰夷武而不

遂曰壯

武功不成

執義揚善曰懷

稱人之善

柔質慈民曰惠

賑孤惻加

施慈仁短折曰懷短未六十折未三十愛民好與曰惠與謂施述義

不克曰丁欲立志義而弗能成夙夜敬戒曰敬敬身急戒述事不弟曰

丁不弟夙興恭事曰敬敬以莅事有功安民曰烈以武立功象方

益平曰敬法常而知秉德尊業曰烈業以通德為而能尊令善典法曰

敬非敬何以善之剛克為伐曰翼伐功也剛德克就曰肅成其不敬使為

終思慮深遠曰翼好遠思不任亂執心決斷曰肅言嚴果外內貞

復曰白正而後一不生其國曰聲生於外家不勤成名曰靈任本

賢思齊性不見未家短折曰傷未家未娶死而志成曰靈上志不怵命愛

民好治曰戴

愛養其民天下戴仰

死見神能曰靈

有鬼不為厲

曲禮不

倦曰戴

倦過

亂治不損曰靈

不能以治損亂

短折不成曰傷

幼稚而夭

傷

好祭鬼交曰靈

請鬼神不致遠

隱拂不成曰隱

不以隱括改其性

極

知鬼事曰靈

其智能聰徹之

不顯尸國曰隱

以主國

見美堅長曰

隱

美過其令

殺戮無辜曰厲官人應實曰知

能官人

悞狠遂過

曰刺

去諫曰悞反是曰狠

肆行勞祀曰悼

放心勞於淫祀言不修德也

不思忘

愛曰刺

忌甚

年中蚤夭曰悼

年不稱者

早孤短折曰哀

早未知人事

凶年無穀曰糠

不務稼穡

好率動民曰躁

好改舊以勞動民

外內從

亂曰荒

家不治官不治

不悔前過曰戾

知而不改

好樂怠政曰荒

淫於

聲樂怠於政事

怙威肆行曰醜

肆意行威

在國遭憂曰愍

仍多喪

雍遏

不通曰幽

權臣擅命故令不達

在國逢難曰愍

兵寇之事

早孤銷位曰

幽

銷位即位而卒

禍亂方作曰愍動祭亂常曰幽

易神班

使民悲

傷曰愍

妨政賊害

柔質受諫曰慧

受諫以為慧

真心大度曰斤

正心

而名察

名實不爽曰質

名實內外相應不差

德正應和曰莫溫良好

樂曰良

言其人可好可樂

施勤無私曰惠慈和徧服曰順思慮

果敢曰趯博聞多能曰慮

雖多能不

至於大道嗇於賜與曰愛滿

志多窮曰戈

自足者必不足

危身奉上曰忠

險不辭難

思慮不爽曰

原

不差所思而得

克威棲行曰魏

有威而繁行

好內遠禮曰煬

淫於家不

奉禮

克威順禮曰魏

雖威不逆禮

好內怠政曰煬

內則淫朋外則荒政

怠

政外交曰攜

不自明而博外交

遠禮遠衆曰煬教誨不倦曰長

疏遠繼位曰遠肇敏行成曰直彰義揜過曰堅

亡治內外

賓服曰正華言無實曰夸好廉自克曰節

廉儉不傷財不害民逆

大虐民曰炕

所尊大而逆

好更改舊曰易

變政常

名與實爽曰

終愛民在刑曰克

道之以政聲之以法

擇善而從曰比

比方善而從之除

殘去虐曰湯亂而不損為靈

貪亂宜神靈

隱哀之力也

景武之力也施為文除武也辟地為襄服遠為桓剛克

為發柔克為懿履正為莊有遇為僖施而不私為宣

雲行

雨施日月無私

鄉惠無內德為獻

無內德謂惠不成也

由義而濟為景失

志無輔則以其明餘皆象也

以其明所及為謚象其事也

賤不

誅貴幼不誅長禮也

誅累也累列生時行迹讀之以作謚謚當由尊者成疏曰賤不誅

貴誅累也謂賤不得累列貴者之行而為謚幼不得累

列長者之行而作謚如此是其禮也所以然者凡謚表其實行當由尊者所為若使幼賤者為之則

唯天子稱

天以誅之

以其無尊焉春秋公羊說以爲讀誅制謚於南郊若云受之於天然疏曰唯天子稱天

以誅之者諸侯及大夫其上猶有尊者爲之作謚其天子則更無尊於天子者故惟爲天子作謚之時於南郊告天示若有天命然不敢自專也又注以其無尊焉案鄭之時說公羊者而爲此言故白虎通云天子崩大臣之於南郊稱天以謚之者爲人臣子莫不欲褒大其君掩惡揚善故至南郊明不得欺天也

諸侯相

誅非禮也

禮常言誅於天子也天子乃使太史賜之謚疏曰非但賤不誅貴平敵相誅亦爲不可

故云諸侯相誅非禮也案襄十三年左傳楚子囊爲共王作謚者春秋亂世不能如禮又案白虎通云君薨請謚世子赴告於天子天子唯遣大夫會葬而謚之又案檀弓云公叔文子卒其子戌請謚於君大夫當請誅於君則諸侯理當言誅於天子云天子乃使太史賜之謚者案大史職云小喪賜謚鄭云小喪卿大夫也卿大夫

言賜之謚明諸侯之喪亦然曾子問

幼名冠字五十以伯仲死謚周

道也

疏云幼名冠字者名以質生若無名不可分別故始生三月而加名人年二十有為人父之道朋友

等類不可復呼其名故冠而加字年至五十者父轉尊又捨其二十之字直以伯仲別之至死而加謚凡此之事皆周道也然則自殷以前為字不在冠時伯仲不當五十以殷尚質不諱名故也又殷以上有生號仍為死後之稱更無別謚堯舜禹湯之例是也周則死後別立謚故揔云周道也士冠二十已有伯某甫仲叔季此云五十以伯仲者二十之時雖云伯仲皆配某甫而言五十之時直呼伯仲耳禮緯含文嘉云質家稱仲文家稱叔周代是文故有管叔蔡叔霍叔康叔聃李等末者稱李是也檀弓

古者五十而后

爵死而謚令也古者生無爵死無謚

古謂殷以前也大夫以上乃謂之爵

死有謚也周制爵及命士雖及之猶不謚耳今記時死則謚之非禮也此一經明士禮此是士冠禮記之文也以士為主古謂殷以前士生時無爵謂爵不及也死時無謚謂不制謚也又案典命云小國之君其卿三命其大夫再命其士一命士既有命命即爵也故知爵及命士猶不謚者檀弓云士之有諱自此始也既從縣賁父卜國為始明以前無諱也

無諱即無謚也

郊特牲

右謚諱

案人臣之喪有錫命今附見于下

春秋莊公元年王使

榮叔來錫桓公命

追命桓公褒稱其德若昭七年王追命衛襄之比疏曰杜於

追命衛襄之下注云如今之哀策魏晉以來唯天子崩乃有哀策將葬於是遣奠讀之陳大行功德叙臣子哀情非此類也人臣之喪不作哀策良臣既卒或贈之以官褒德叙哀載之於策將葬賜其

家以告柩如今哀策
蓋此謂也

左氏傳

昭公七年衛侯惡卒衛齊

惡告喪于周且請命王使成簡公如衛弔

簡公王卿士也

且追命襄公曰叔父陟恪在我先王之左右以佐

事上帝

恪苦各反天也叔父謂襄公如今之哀冊

陟登也恪敬也帝

余敢忘高

圉亞圉

圉魚呂反諸侯亦受殷王追命者

二圉周之先也為殷左氏傳

楚子

疾告大夫曰不穀不德少王社稷生十年而喪先

君未及習師保之教訓而應受多福

多福謂為君

是以

不德而亡師于鄢

鄢音偃

鄢

在成十六年以辱社稷為大夫

憂其弘多矣

弘大也

若以大夫之靈獲保首領以沒

於地唯是春秋寔窆之事

寔張倫反一音徒門反窆音夕寔厚也窆夜

也厚夜猶長夜春秋謂祭祀長夜謂葬埋

所以從先君於禰廟者

從先君代

為禰廟

請為靈若厲

欲受惡謚以歸先君也亂而不損曰靈戮殺不辜曰厲

大

夫擇焉莫對及五命乃許秋卒子囊謀謚大夫曰

君有命矣子囊曰君命以共

共音恭下同

若之何毀之

赫赫楚國而君臨之撫有蠻夷奄征南海以屬諸

夏

夏戶雅反

而知其過可不謂共乎請謚之共大夫從

之

傳言子囊之善襄公
十三年春秋左氏傳

魯莊公及宋人戰于

乘丘

十年夏

縣賁父御卜國為右

縣卜皆氏也凡車
右勇力者為之

疏曰乘丘魯地也莊公十年夏六月齊師宋師次
于郎公予偃請擊之大敗宋師于乘丘齊師乃還

馬驚敗績

驚奔失列

公隊佐車授綏

戎車之貳曰佐授
綏乘公疏曰案

周禮戎僕掌倅車之政道僕掌貳車之政田僕掌
佐車之政則戎車之貳曰倅此云佐者周禮相對
為文有異若散而言之則田獵兵戎俱是武事故
同稱佐車少儀注戎獵之副曰佐是也能氏以為
此皆諸公曰末之卜也末之猶微哉縣賁父曰他
侯法言卜國無勇

日不敗績而今敗績是無勇也

公他日戰其御遂
馬未嘗驚奔

死之

二人赴敵而死 疏曰知二人者以卜國被責縣責父職掌馬事自稱無勇既序兩人以

上即陳遂死於下

國人浴馬有流矢在白肉

圍人掌馬

者白肉股裏肉裏肉者以股裏白故謂之白肉非謂肉色白也

疏曰圍人掌養馬者云白肉股

公曰非其罪也

流矢中馬非御與右之罪遂誅之 誅其赴敵之功以為謚

士之有誅自此始也

記禮失所由來也周雖以士為爵猶無謚也殷大夫以上

為爵

疏曰知周以士為爵者案掌客云凡介行人宰史皆殮饗餼以其爵等為之牢禮之陳數凡

介行人皆為士而云爵等是士有爵也故鄭注大行人云命者五公侯伯子男爵者四孤卿大夫士

猶無謚也者以此云士之有誅自此始故知周士無謚也云殷大夫以上為爵者案士冠禮云古者

生無爵死無謚於士冠之下而為此記又不云諸侯大夫明生無爵死無謚據士也士冠禮是周禮而云古者故知是公叔文子卒文子衛獻公之孫名拔或作發

其子戌請謚於君曰日月有時將葬矣請所以易

其名者

謚者行之迹有時猶言有數也大夫士三月而葬疏曰生存之日君呼其名今既

死將葬故請所以誅行爲之作謚易代其名者

君曰昔者衛國凶饑夫子

為粥與國之餓者是不亦惠乎

君靈公也

昔者衛國有

難夫子以其死衛寡人不亦貞乎

難謂魯昭公二十年盜殺衛侯

之兄繫也時齊豹作亂公如死鳥

疏曰魯昭二十年左傳云齊豹作亂用戈擊公孟繫殺之公聞

亂乘驅自閭門入載寶以出又云公如死鳥注云死鳥衛地

夫子聽衛國之政

修其班制以與四鄰交衛國之社稷不辱不亦文

乎

班制謂尊卑之差

故謂夫子貞惠文子

後不言貞惠者文足以兼之

疏曰案謚法愛民好與曰惠外內用情曰貞道德博聞曰文既有道德則能惠能貞故鄭云後不言貞惠者文足以兼之案文次先惠後貞此先云貞者以其致死衛君事重故在前上先言惠者據事先後言之

魯哀公誄孔丘曰天不遺耆老莫相予

檀弓

位焉嗚呼哀哉尼父

誄其行以為謚也疏曰孔子以哀公十六年夏四月已

丑日卒哀公欲為作謚作謚宜先列其生時行狀謂之以為誄嗚呼哀哉傷痛之辭也尼父尼則謚

也父且字甫是丈夫之美稱
稱字而呼之尼父也

同上

孔丘卒公誄之曰

昊天不弔不慙遺一老俾屏余一人以在位煢煢

余在疚嗚呼哀哉尼父無自律

疚病也律法也言喪尼父無以自律

法子贛曰夫子之言曰禮失則昏名失則愆失志

為昏失所為愆生不能用死而誄之非禮也稱一

人非名也君兩失之

疏曰鄭玄禮記注云誄累也累列生時行迹讀之以作誄

此傳唯說誄辭不言作誄傳記羣書皆不載孔子之誄蓋唯累其美行示已傷悼之情而賜之命爾

鄭錯讀左傳云以字為誄妄為此解
哀十六年春秋左氏傳

大司馬喪祭奉詔馬牲

王喪之以馬祭者蓋遣奠也奉猶送也送之至墓告而藏之

夏官

司尊彝大喪存奠彝

存省也謂大遣時奠者朝夕乃徹也疏曰大喪之奠有

彝尊盛鬱鬯唯謂祖廟厥明將向壙為大遣時奠有之朝夕乃徹也者案檀弓云朝奠日出夕奠逮日則朝奠至夕徹之夕奠至朝乃徹其大遣亦朝設至夕乃徹言此者欲見所奠彝尊朝夕須存省之意也春官

鬱人大喪及葬共其裸器遂殯之

遣奠之彝與璫也殯之於祖廟階間明奠

終於此

疏曰葬時不見有設奠之事祖祭已前奠小

不合有彝

器奠之大者唯有遣奠故知於始祖祖廟中厥

明將葬之時設大遣奠有此裸器也司尊彝云大喪存

奠彝是也以奠無尸直陳之於奠處耳言殯之於祖廟

階間者此案曾子問無遷主者以幣帛皮圭以為主命

行反遂殯之於祖廟兩階之間此大遣奠在始祖廟事

訖明亦親之於階間也云明奠終於此者自此已前不忍異于生設奠食象生而無尸自此已後葬訖反日中而虞則有尸以神事之謂之祭異於生故云明奠終於此也同上

小祝大喪及葬設

道齋之奠分禱五祀

齋猶送也送道之奠謂遣奠也分其牲體以祭五祀告王去此官中

不復反也王七祀祀五者司命大厲平生出入不以告

疏曰齋送也送道之奠謂將葬於祖廟之庭設大遣

奠遣送死者故謂之送道之奠因分此奠以告五祀言

王去此官中不復返也案既夕禮祖廟之庭殿明設大

遣奠包牲取下體是也云分其牲體以祭五祀者謂包

牲而取下體下體之外分之為五處祭也云王七祀者

祭法文云司命大厲平生出入不以告者案月令春祀

戶夏祀竈季夏祀中雷秋則祀門冬則祀行此並是人

之以所由從之處非直四時合祭所以出入亦宜告之

案祭法王七祀之中有司命大厲此經五祀與月令同

月令不祭司命及大厲之等此不祭則可知既夕士禮亦云分禱五祀者鄭注云博求之依祭法士二祀同上小斂條內有封人等七官大斂條內有司几筵設几席朝夕奠條有司服共奠衣服朔月月半奠條內有籩人共籩外饗實鼎俎天子喪斬衰者奠諸侯喪齊衰者奠啟條有世婦灌漑為盥盛內豎為內人蹕皆遣奠所通用當互考

右大遣奠

量人掌喪祭奠窆之俎實

窆亦有俎實謂所包遣奠士喪禮下篇曰藏苞匭於旁

疏云此喪祭文連奠窆窆是壙內故鄭以喪祭為大遣奠解之是以大司馬喪祭亦為遣奠也又案家人云請度甫窆窆穿廣之名此言奠窆則奠入於壙是以云所包遣奠也引士喪禮云藏苞匭於旁者苞謂苞牲取下

體葦苞二是也藏筭者即既夕禮云
筭三黍稷麥並藏之於棺旁夏官

大夫之喪既薦

馬薦馬者哭踊出乃包奠而讀書

嫌與士異記之也既夕禮曰包牲取下體

又曰主人之史請讀賵疏曰此明大夫將葬啟柩朝廟之後欲出之時既薦馬者士喪禮下篇云薦馬之節凡有三時一者柩初出至祖廟設奠為遷祖之奠訖乃薦馬是其一也至日側祖奠之時又薦馬是其二也明日將行設遣奠之時又薦馬是其三也此云既薦馬謂第三薦馬之時也以下則云包奠而讀書於既夕禮當進馬至乃哭踊出乃包奠者出謂馬出乃包奠者取遣奠牲下體包裹之以遣送行也然馬出在包奠之前而必云出乃包奠明出即包奠包奠為出之節故言出也而讀書者書謂凡送亡者賵入棹之物書也讀之者省錄之也注云嫌與士異者案既夕禮薦馬馬出之後云

苞牲取下體也又云主人之史請讀贈今此大夫亦薦馬出後包奠讀書與士同記者嫌畏大夫之尊與士有異故特記之明與士同也故引既夕禮以下者證包牲讀贈之節謂主人見薦馬送行物而哭踊故云薦馬者哭踊也所以馬進而主人哭踊者馬是牽車為行之物今見進馬是行期已至故孝子感之而哭踊云既夕禮曰包牲取下體者上則羊豕也鄭注包者象既饗而歸賓俎者也前脰折取臂膂後脰折取骼也臂謂膝上膊下也膂謂肘後取骼謂膊下股骨也羊豕各三个必取下體者下體能行亦示將行也有遣車者亦先包之也云又曰主父之史請讀贈者贈猶送者人名也雜記

右包奠讀贈

遂師大喪使帥其屬以幄帟先道野役

使以幄帟先者大宰也其餘司

徒也幄帟先所以為葬寔之間先張神坐也道野役帥以至墓也疏曰大喪王喪也以幄帟先者謂使大宰

官帥其屬以幄帟先行至壙也道野役者謂司徒導引野中之役以出國城至壙也大宰之屬幕人共帷幕幄帟綬故大宰帥之司徒主衆庶故令野役也先張神坐者謂樞至壙脫載除飾樞則在地未葬寔之間須有神坐之所故知大幕之下宜有幄之小帳小帳之內而有帟之承塵以為神坐也地官陳殯具條幕人掌次此條通用朝祖條間胥聚衆庶大司徒帥六鄉屬六引遂人屬六綽小司徒帥邦後治其政教鄉師帥其民而至又薦車馬及陳明器兩條並此章通用當互考鄉士大喪紀各掌其鄉

之禁令帥其屬夾道而蹕

屬中士以下疏曰大喪紀當葬所經道並過六鄉路

以是故各掌其鄉之禁令當各帥其屬夾道而蹕知屬是中士以下者鄉士身是上士故云中士以下秋官

方相氏大喪先匱

先去聲匱音柩 葬使之道 音導 疏曰喪所多有凶邪故使

之導也

喪祝及葬御匱出宮乃代

喪祝二人相與更也 疏曰及更也謂於祖廟

夏官

厥明大奠後引柩車出喪祝於柩車前卻行御柩車出宮乃代者案序官云喪祝上士二人故鄭云二人相與更也

小喪亦如之

春官

鄉師及葬執纛以與匠師御匱而

治役

匠師冬官之屬其於司空若鄉師之於司徒也鄉師主役匠師主衆匠共主葬引翺羽葆幢也爾雅

曰纛翳也

以指麾挽柩之役正其行列進退行戶剛

反

疏曰言及葬者及至葬引向壙纛謂葆幢也鄉師

執葆幢却行在柩車之前以與匠師御柩謂在路恐有

傾覆故與匠師御正其柩而治役者亦謂監督人也注

云其於司空猶鄉師之於司徒也者地官之考稱鄉師

春官之考稱肆師秋官之考稱士師唯有天官之考稱

宰夫夏官之考稱軍司馬自外皆稱師此經鄉師是司徒考明匠師亦是司空考故云其於司空若鄉師之於司徒案天官注冬官亡未聞其考此云匠師冬官考者彼據冬官亡故云未聞其考此據匠師與鄉師相對以義約之匠師冬官考也云鄉師主役匠師主衆匠共主葬引者冬官亡雖無文以其主匠即知共葬也地官

司士作六軍之士執披

披方寄反作謂使之也披

以結之謂之戴鄭司農云披者扶持棺險者也天子旁十二諸侯旁八大夫六士四立謂結披必當棺束於束繫紐天子諸侯戴樞三束大夫士二束喪大記下君纁披六大夫披四前纁後立士二披用纁人君禮文欲其數多圍數兩旁言六耳其實旁三疏曰云六軍之士者即六鄉之民以其鄉出一軍六鄉故名六軍之士也天子千人而云六軍者以天子千人出自六軍故號六軍之士非謂執披有七萬五千人也樞車則蜃車車兩

旁使人持之若四馬六轡然故名持棺者為披也云有
紐以結之謂之戴者喪大記云纁戴者是也先鄭云披
者扶持棺險者先鄭意屨車行恐逢道險者有傾覆故
云扶持棺險也云天子旁十二諸侯旁八大夫六士四
者無所依據後鄭不從玄謂結披必當棺束於束繫紐
者謂屨車兩旁皆有柳材其棺皆以物束之故云天子
諸侯戴軀三束大夫士二束彼喪大記不言天子此言
者欲見天子無文約與諸侯同也謂之戴者彼大記注
云戴之言值也所以連繫棺束與柳材使相值因而結
前後披也披結於紐故引喪大記君纁披六已下其屨
車柳材與中央棺束數等人君三大夫士二記云君纁
披六大夫披四者皆是禮文故國數兩旁言六言四也
士禮小無文故據一旁而言二若然大夫亦圓數
兩旁言四直云人君者據尊者而言之也夏官

祝掌大喪勸防之事

勸猶倡帥前引者防謂執披備傾
駟曰勸猶倡帥前引者即經

喪

御柩一也謂執纛居柩路前却行左右車脚有高下則以纛詔告執披者使持制之不至傾虧倡先也故云倡帥前引者云防謂執披備傾虧者案夏官司士作六軍之士執披故以執披解防恐柩車傾倒故云備傾虧經勸防因言所掌事及其行小喪亦如之春大史大

喪執法以泣勸防

鄭司農云勸防引六紼春官

巾車大喪及葬執

蓋從車持旌

從才用反平生時車建旌雨則有蓋今屢車無蓋執

而隨之象生時有也所執者銘旌疏曰及葬者謂至葬時將向壙云執蓋從車者謂此巾車之官執蓋以隨

柩車持旌在柩車之前而文在下者以執蓋是巾車因言持旌耳非謂持旌亦從車也以銘旌表柩車象蹟時在柩前是以既夕禮云祝取銘置于茵注云以重不藏故於此移銘加於茵上若然茵既行時在柩車前銘旌

亦與茵同在柩車前可知也注云從車隨柩路者鄭欲以輕車為屨車柩路解之云今屨車既設惟荒不得設蓋是以執而隨柩車雖無用但象生時有也云所執者銘旌者將葬之旌士有二旌大夫已上皆有旌旌旌夕禮是士禮而有乘車所建旌是攝盛故用孤卿所建通帛之旌也大夫以上有乘車所建旌卿已上尊矣無攝盛以尋常所建旌王則大常孤卿建旌大夫亦應攝盛用旌是一也又有廡旌又有銘旌也春官御

僕大喪持翼

喪大記注引漢禮以水為匡廣三尺高二尺四寸方兩角高衣以白布畫雲氣謂之

畫翼畫之以黼謂之黼翼之類是也天子用八諸侯用六大夫用四士用二在路夾屨車兩旁入壙則樹之四旁

夏官

女御后之喪持翼

翼棺飾也持而從柩車疏曰禮器云天子八翼后喪亦

同將葬向壙之前使此女御持之左右各四人故云持而從柩車也

天官

冢人喪及

葬言鸞車象人

鸞車巾車所飾遣車也亦設鸞旗鄭司農云象人謂以芻為人言猶語也語之

者告當行若於生存者於是巾車行之孔子謂為芻靈者善謂為俑者不仁非作象人者不殆於用生乎疏

曰及至也謂至葬冢人語巾車之官將明器鸞車及象人使行向壙云亦設鸞旗者遣車有鸞和之鈴兼有旌旗經直云鸞車不言鸞旗故鄭言之先鄭云象人謂以芻為人者後鄭不從以其上古有芻人至周不用而象人則象人與芻靈別也鄭引檀弓者欲破先鄭以芻靈與象人為一若然則古時有塗車芻靈至周仍存塗車唯改芻靈為象人陳

明器條通用春官

虎賁氏及葬從遣車而哭

遣車

王之魂魄所憑依疏曰遣車者將葬威所苞奠遣送者之車其車內既皆有挂體故云王之魂魄所憑依遣車多少之數天子無文鄭注雜記云天子大牢苞九箇遣車九乘苞肉皆取大遣奠之牲體天子大牢外更用

馬牲皆前脰折取臂膂後脰折取髀苞肉
各九個皆細分其體以充數也

夏官

內豎王后

之喪及葬執褻器以從遣車

曰褻器振飾頽沐之器疏從遣車若生時從后后

之私褻小器唯有振飾頽沐之器故為此解也若然玉府云凡褻器鄭注以為清器虎子不為振飾頽沐器者彼據生時故與床第等連文此注褻器為振飾頽沐之器者案特牲為尸而有槃匱并有簞巾巾為振飾槃匱為盥手故既夕禮用器之中有槃匱是送葬之時有褻器也

天官

君葬用輅四綳二

碑御棺用羽葆大夫葬用輅二綳二碑御棺用茅士葬

用國車二綳無碑比出宮用功布

輅音輅市專反王勅倫反綳音緋破彼布

反大夫廢輅此言輅非也輅皆當為載以輅車之輅聲之誤也輅字或作團是以又誤為國輅車柩車也尊

卑之差也在棺曰綽行道曰引至壙將窆又曰綽而設碑是以連言之碑桓盈也御棺車前為節度也士言此出官用功布則出官而止至壙無矣綽或為率疏曰此一經明葬時在路尊卑載柩之車及碑綽之等四綽二碑者綽有四條碑有二所此諸侯也天子則六綽四碑御棺用羽葆者雜記云諸侯用匠人執羽葆以鳥羽注於柄末如蓋而御者執之車前以指麾為節度也大夫二綽二碑者碑各一孔樹於壙之前後綽各穿之也士二綽無碑者手縣下之比出宮御棺用功布者比出宮謂柩在宮牆內也功布大功布也士用大功布為御也大夫用茅自廟至墓士卑御自廟至大門牆內而止出路便否至墓不復御也隱義云羽葆功布等其象皆如麾又曰輜皆當為載以輅車之輅者謂經云君葬用輅大夫葬用輜此二輜皆當為輅車之輅讀從雜記之文為君及大夫皆載以輅車明不以輜也必知非輜者以此文云士葬用國車國自與國字相似因誤耳團與

輅聲相類輅則蜃車也在路載柩尊卑同用蜃車其尊卑之差異在於棺飾耳熊氏云尊卑之差謂此經君四綽二碑御棺用羽葆大夫二綽二碑御棺用茅士葬用二綽無碑御棺用功布失鄭註意其說非也云行道曰引至塋將窆又曰綽而設碑是以連言之者此一經所論在道之時未論窆時下棺之節既是在塗經當應云引而云綽與碑者其初時在塗後遂窆葬因在塗連言窆時故云是以連言之至窆時下棺天子則更載以龍輅故遂師註云蜃車柩路也行至塋乃說更復載以龍輅是天子殯用龍輅至塋去蜃車載以龍輅以此約之則諸侯殯以輅葬則用輅明矣若大夫唯朝廟用輅殯則不用輅葬時亦無輅也士則殯不用輅朝廟得用輅軸若天子元士葬亦用輅軸與大夫異禮有損之而益之也云碑桓楹也者下檀弓云三家視桓楹是僭也則天子用大木為碑謂之豐碑諸侯則樹兩大木為碑謂之桓楹此經君稱二綽二碑故云桓楹也謂每一碑樹兩楹云士言此出宮用功

布則出宮而止至墻無矣者以士卑故出宮在路無御柩之物

喪祝凡卿大夫之喪

掌事而歛飾棺焉

見上篇小歛章

鄉士三公有邦事則為之

前驅而辟其喪亦如之

鄭司農云卿士為三公道也若今時三公出城郡督郵盜賊道

也

疏曰三公有邦事親自入鄉則鄉士為公作前驅

而辟云郡督郵為盜賊道也者郵謂郵行往來盜賊謂舊為盜賊即不良之人故郡內督察郵行者是盜賊之人使之道以況古鄉士為道相類也

秋官遂

士六卿有邦事則為之前驅而辟其喪亦如之

疏曰其喪亦如之者

亦謂公卿大夫之喪死於其中者亦為之前驅而辟也

秋官縣士大夫有邦事則

為之前驅而辟其喪亦如之

疏曰其喪亦謂公卿大夫之喪有死於此者

秋官

士喪有與天子同者三其終夜燎及乘人專道而行

詳見士喪

朝祖條

右樞行

季子臯葬其妻犯人之禾

季子臯孔子弟子高柴孟

氏之邑成宰或氏季犯躐也疏曰子臯為成宰高是其正氏令言季子臯故鄭云或氏季以身處季少故以字為氏而稱季也猶若子游稱叔氏仲由稱季路皆其例也申祥以告曰

請庚之

庚古衡反申祥子張子庚饋也

子臯曰孟氏不以是罪

予

時僭多

朋友不以是弃予

言非大故

以吾為邑長於斯

也買道而葬後難繼也

長丁丈反恃寵虐民非也疏曰子臯見申祥請

償故非之云孟氏不以是犯禾之事罪責於我朋友不以是犯禾之事離弃於我以其小失非大故也以吾為邑長於此成邑乃買道而葬清儉太過在後世之人難可繼續也以孟氏不罪於己故鄭云恃寵虐民檀弓鄭簡公卒將為葬除為于偽反及游

氏之廟

游氏子太叔族

將毀焉子大叔使其除徒執用以

立而無庸毀

用毀廟具

曰子產過女而問

女音汝

何故不

毀乃曰不忍廟也諾將毀矣

教毀廟者之辭

既如是子產

乃使辟之司墓之室有當道者

簡公別營葬地不在鄭先君舊墓故

道有臨時迂直也司墓之室鄭之掌公墓大夫徒屬之家

迂音于一音於

毀之則朝

而塋

塋北鄧反徐甫贈反下塋也禮家作寔義同

弗毀則日中而塋子

大叔請毀之曰無若諸侯之賓何

不欲久留賓

子產曰

諸侯之賓能來會吾喪宜憚日中無損于賓而民

不害何故不為遂弗毀日中而葬君子謂子產於

是乎知禮禮無毀人以自成也

疏曰用謂毀廟之具若今鍤鑿之類

也教其除道之徒執所用作具以佇立而無用即毀廟也

昭公十有二年春秋左氏傳葬

敬嬴早無麻始用葛茀

第方弗反引棺索也記禮變之所由茀所以引柩

殯則有之以備火葬則以下

吳伐齊將戰公孫

宣八年春秋左氏傳

夏命其徒歌虞殯

賈逵云虞殯遣殯歌詩杜云送葬歌曲並不解虞殯之名禮啟

殯而葬葬即下棺反日中而虞蓋以啟殯將虞之歌謂之虞殯歌者樂也喪者哀也送葬得有歌者蓋挽引之人為歌聲以助哀今之挽歌是也舊說挽歌漢初田橫之臣為之據此挽歌之有久矣晉初荀顗制禮以吉凶不雜送葬不宜有歌去之摯虞駁之云詩云君子作歌惟以告哀歌不為害也復存之哀公十一年左氏傳

巾車大喪及墓嘯啟闕陳車

闕墓門也車貳車也士喪禮下篇曰車至道左北面

立東上疏曰鄭知車是貳車者以其遣車在明器之中案既夕陳明器在道東西北上此不言明器而別陳車是貳車可知天子貳車象生時當十二乘也士喪禮云車至道左北面立東上者士無貳車惟據乘車道車

橐車三乘此王禮亦有此三乘車於後別有貳車十二乘然則此車非止貳車而已鄭直云貳車者舉其士喪禮不見者而言耳此條朝祖薦車通用樞行條遂師以幄帟先朝祖條樂師陳樂器此條通用當互考春

官

方相氏大喪及墓入壙以戈擊四隅毆方良

方良上音

罔下音兩又如字 壙穿地中也方良罔雨也天子之椁柏黃腸為裏而表以石焉國語曰木石之怪夔罔雨

疏曰必破方良為罔雨者入壙無取於方良之義故

也云天子之椁柏黃腸為裏而表以石焉者欲見有罔

雨之義故引漢法為證又檀弓云天子柏椁以端長六

尺言椁柏則亦取柏之心黃腸為椁之裏故漢依而用

之而表之以石蓋周時亦表以石故有罔雨也云國語

者案國語水之怪龍罔象木石之怪夔罔雨則知方良

當為罔雨

也夏官

喪祝及壙說載除飾

鄭司農云說載下棺也除飾去棺飾也四

盟之屬令可舉移安錯之玄謂除飾便其室爾周人之葬牆置盟盟所甲反亦作翼疏曰脫載謂下棺於地除飾謂除去帷荒下棺於坎訖其帷荒還入壙張之於棺注云四盟之屬者案喪大記及禮器士二翼大夫四翼諸侯六翼天子八翼周人之喪牆置盟者謂帷荒與柩為鄭若牆然故謂之牆翼在道柩車傍人執之入壙置之於椁小喪亦如之小喪王后以下傍故云置也

掌蜃掌斂

互物蜃物以共闔壙之蜃

互戶故反互猶塞也

互物蚌蛤之屬

蜃禦濕也鄭司農說以春秋傳曰始用蜃炭言僭天子也疏曰案士喪禮筮宅還井槨於殯門之外注云既哭之則徃施之窆中是未葬前井槨材乃徃施之壙中則未施槨前已施蜃炭於槨下以擬禦濕也引春秋者是成公二年宋文公卒始厚葬用蜃炭雖二王之後不得純如天子亦用蜃故被譏引之者證天子之宜也

地官 稻人喪紀共其葦事

葦以閭壙禦濕之物 疏曰春秋左氏傳有井閭壙塞也

官地

澤虞喪紀共其葦蒲之事

葦以閭塞蒲以為席 疏曰蒲以為席者

謂抗席及禮記云虞卒哭芻翦不納者是也

地官

掌茶掌以時聚茶以共喪

事

疏曰案既夕禮為茵之法用緇翦布謂淺黑色之布各一幅合縫著以茶柩未入壙之時先陳於棺下縮

二於下橫三於上乃下棺於茵上是也

地官

右至壙

冢人共喪之窆器

下棺豐碑之屬 邦役遂人及窆陳役並此條通用當

互考

凡封用綽去碑負引君封以衡大夫士以咸君命

毋譁以鼓封大夫命毋哭士哭者相止也

疏曰凡封用紼去碑負引

者封當為窆窆謂下棺下棺之時將紼一頭以繫棺緘又將一頭繞碑間鹿盧所引之人在碑外背碑而立負引者漸漸應鼓聲而下故云用紼去碑負引也君封以衡諸侯禮大物多棺重恐柩不正下棺之時別以大木為衡貫穿棺束之緘平持而下備傾頓也大夫士以咸者大夫士無衡使人以紼直繫棺束之緘也君命無譁以鼓封者謂君下棺時命令衆人無譁以擊鼓為窆時縱捨之節每一鼓漸縱紼也大夫卑不得擊鼓直命人使無哭耳士哭者相止也者士又卑不得施教令直以哭者自相止也又云諸侯四紼二碑前後二紼各繞前後二碑之鹿盧其餘兩紼於壙之兩旁人輓之而下其天子則六紼四碑紼既有六碑但有四故以前碑後碑各重鹿盧每一碑用二紼前後用四紼其餘兩紼繫於兩旁之碑喪大記

樞行條君葬四紼二碑此條通

用當互考

鼓人詔大僕鼓

詳見本篇戒臣民條

大僕大喪始崩戒

鼓窆亦如之

窆彼驗反注之封音同劉皆連鄧反戒鼓以警衆也司農云窆謂葬下棺也春秋

傳所謂日中而塋禮記謂之封皆下棺也音相似窆讀如慶封祀祭之祀塋捕鄧反祀方劒反詳見始死

條

遂師大喪及窆抱磨共丘籠及蜃車之役

蜃車柩路也行

至塋乃說更復載以龍輅役謂執紼者磨者適厯執紼者名也遂人主陳之而遂師以名行校之疏曰云共丘籠

者土曰丘謂共為丘之籠器以盛土也謂下棺之後以廣上土反復而為丘壘皆須籠器以盛土也云適厯執紼者名也者謂天子千人分布於六紼之上謂之適厯者分布稀疏得所名為適厯也云遂人主陳之者案遂人云及窆陳役是也遂師抱持版之名字巡鄉師及行而校錄之以知在否故云抱磨也地官

窆執斧以泣匠師

匠師主豐碑之事執斧以泣之使戒其事故書泣作立立讀為泣泣謂臨

視也

疏曰及至也

窆下棺也

至墻下棺之時

鄉師執

斧以泣匠師匠師主衆匠恐下棺不得所須有用斧之

事又執斧以臨視之

云匠師主豐碑之事者

案檀弓云

公室視豐碑三家視桓楹鄭彼注天子斲大木為之豐

大也天子六綽四碑前後各一碑各重鹿盧兩畔各一

碑皆單鹿盧天子千人分置於六綽皆背碑負引擊鼓

以為縱舍之節

匠師主當之云執斧以泣之使戒其事

者恐匠師不戒其事須有用斧之處故鄉師執斧助之

使匠師戒其事泣謂臨視也

冢人及窆執斧以泣

疏曰

者謂臨視匠師也

地官

冢人及窆執斧以泣

疏曰

案鄉師云執斧以泣匠師則此亦泣匠

遂入藏凶器

明器

疏曰因上文窆下

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

窆訖即遂入墻藏明器

正墓位踴墓域守墓禁

丘位

謂

棺訖即遂入墻藏明器

窆訖即遂入墻藏明器

所居前後也禁所為塋限疏曰墓位即上文昭穆為左右須正之使不失本位墓域謂四畔溝兆蹕謂止行人不得近之守墓禁謂禁制不得漫入也云禁所為塋限者謂禁者以塋域為限而禁之春官司

常建廡車之旌及葬亦如之

詳見陳明器條

樂師凡喪陳樂

器則帥樂官及序哭亦如之

哭此樂器亦帥之疏曰案小宗伯云及執事貶葬

獻器遂哭之注云至將葬獻明器之材又獻素獻成皆於殯門外王不親哭有官代之彼據未葬獻材時小宗伯哭之此序哭明器之樂器文承陳樂器之下而云序哭謂使人持此樂器向壙及入壙之時序哭之也春

官

大司樂涖藏樂器

詳見陳明器條

笙師廡樂器及葬奉

而藏之

同上

鐃師廡樂器奉而藏之

同上

籥師廡樂器

奉而藏之

同上

司干獻舞器奉而藏之

同上

校入飾遣

車之馬及葬埋之

同上

典瑞大喪共贈玉

贈玉蓋璧也
贈有束帛六

幣璧以帛

疏曰贈玉者案既夕禮葬時棺入坎贈用
玄纁束帛即天子加以玉是贈先王之物也注云贈玉

蓋璧也者以既夕禮云士贈用束帛明天子亦有束帛

也而小行人合六幣璧以帛故知贈既用帛明以璧配

之鄭言此者恐天子與士異士用帛天

子用玉嫌不用帛故言此也

春官

大宰大喪贊

贈玉

助王為之也贈玉既窆所以送先王
疏曰大喪既王喪云助王為之也者謂助嗣王也案既夕

士禮既窆主人贈用玄纁以入壙王喪
雖無文應更有加亦當以玄纁為主也

小宗伯成葬

而祭墓為位

成葬丘已封也天子之冢蓋不一日而畢
位壇位也先祖形體托於此地祀其神以

安之家人職曰大喪既有日請度甫窆遂為之尸疏
曰云天子之冢蓋不一日而畢者案檀弓云有司以几
筵舍奠於墓左反日中而虞注云所使奠墓有司來歸
乃虞也則虞祭在奠墓後此上文既云詔相喪祭則虞
祭訖矣於下乃云成葬祭墓為位則虞祭不待奠墓有
司來歸者由天子之冢高大蓋不一日而畢故設經喪
祭在成葬之上也引家人職者證祭墓

家人凡祭墓

為位時家人為尸以祭后土也

春官

為尸

祭墓為尸或禱祈焉鄭司農云為尸家人為尸

疏曰後鄭知此祭墓為禱祈者上文遂為尸是墓

新成祭后土此文云凡故知謂禱祈也先鄭云為尸家
人為尸者上文祭墓謂始穿地時此文據成墓為尸後
鄭以此亦得通一義故引之在下是以禮記檀弓云有
司舍奠於墓左彼是成墓所祭亦引此凡祭墓為尸證
成墓之事

也

家人凡諸侯及諸臣葬於墓者為之蹕均

春官

其禁 大夫廢其事終身不仕死以士禮葬之

以不任大夫也

疏曰大夫廢其事故知不堪任大夫也致仕而退死得以大夫禮葬

王制

右寔 宣公八年冬十月己丑葬我小君敬嬴雨

不克葬禮也禮卜葬先遠日辟不懷也

卜葬先遠日辟不思

念其親似欲汲汲而早葬之也今若冒雨而葬亦是不思其親欲得早葬故舉卜葬先遠日以證為雨而止禮也王制云庶人葬不為雨止者鄭云云雖雨猶葬禮儀少也

春秋左氏傳

葬既有

日不為雨止禮也雨不克葬喪不以制也

喪事有進無退

又士喪禮有潦車載簣笠則人君之張設固兼備矣禮先遷于廟其明昧爽而引既及葬日之晨則

祖行遣奠之禮設矣故雖雨猶終事不敢停柩久次穀梁傳

定公十有五年

秋九月丁巳葬我君定公雨不克襄事禮也

襄成也雨

而成事若汲汲於欲葬春秋左氏傳

葬既有日不為雨止禮也雨

不克葬喪不以制也戊午日下稷乃克葬

稷具也下具謂

時乃急辭也不足乎日之辭也

穀梁傳

孔子為中

都宰先時季氏葬昭公於墓道之南孔子溝而合

諸墓焉謂季桓子曰貶君以彰已罪非禮也

桓子平子

之今合之所以揜夫子之不臣

家語

晉文公既定

襄王于郊

郊古洽反洛邑王城之地

郊王勞之以地辭

辭不受也請

隧焉

隧徐醉反王之葬禮闕地

賈侍中云隧王弗許曰昔我先

王弗許曰昔我先

王之有天下也亦唯是先王之服物采章

采章采色文章

也

以臨長百姓而輕重布之王何異之有

輕重布之貴賤

各有等也王何異之有言帝王皆然

若不然叔父有地而隧焉

自制以為

隧也

余安能知之文公遂不敢請受地而還

還音旋國語

又案左氏傳曰晉侯朝王請隧弗許曰王章也未有代德而有二王亦叔父之所惡也

公二十年

許穆公卒于師葬之以侯禮也

詳見變禮道有

喪

臧僖伯卒公曰叔父有憾於寡人

諸侯稱同姓大夫長

曰伯父少曰叔父有恨恨諫觀魚不聽

寡人弗敢忘葬之加一等

加命

服之等隱五年春秋左氏傳

宋文公卒始厚葬用蜃炭益車

馬始用殉重器備椁有四阿棺有翰檜

蜃市忍反翰戶旦反

一音韓檜古外反徐音會

燒蛤為炭以瘞廣多

埋車馬用人從葬四阿四注檜也翰旁飾檜上飾

皆王禮

疏曰周禮匠人云殷人四阿重屋鄭玄

云阿棟也四角設棟也是為四注檜也士喪禮云

抗木橫三縮二謂於檜之上設此木從二橫三以

負土則士之檜上平也今此檜上四注而下則其

上方而尖也禮天子椁題湊諸侯不題湊不題湊

則無四阿釋詁云楨翰榦也又曰楨正也築牆所

立兩木也。翰所以當牆兩邊障土者也。翰在牆之旁，則知此翰亦在旁也。詩云：「會弁如星。」鄭玄云：「會謂弁之縫中言其際會之處也。」會在弁之上，知此檜亦在上，故以為棺旁飾上飾也。言梓有棺有則本不當有宋公所僭必僭天子明此。四阿翰檜皆是王之禮也。屢炭言用亦本不當用其屢炭，蓋亦是王之禮也。

禮也。君子謂華元樂舉於是乎不臣，臣治煩去惑者也。是以伏死而爭，令二子者，君生則縱其惑，死

又益其侈，是棄君於惡也。何臣之為？

成二年春秋左氏傳

季康子之母死，公輸若方小。

公輸若，匠師方小，言尚幼未知禮。

斂

般請以機封。

般音班，封彼驗反。若之族多技巧者，見若掌斂事而年

斂下棺於梓，般

尚幼請代之而將從之時人服公肩假曰不可夫

魯有初

初謂故事

公室視豐碑

碑彼皮反言視者時

為之形如石碑於椁前後四角樹之穿中於間為鹿盧下棺於緯繞天子六緯四碑前後各重鹿盧也

三家視桓楹

時僭諸侯諸侯下天子也斷之形如大楹耳四植謂之桓諸侯四緯

二碑碑如桓矣大夫二緯二碑士二緯無碑

曰凡言視者不正相當比擬之辭也故王制云天

子之三公視公侯卿視伯大夫視子男是也故云

言視僭天子也豐碑斷大木為之形如石碑者以

禮廟庭有碑故祭義云牲入麗于碑儀禮每云當碑揖此云豐碑故知斷大木為碑也云於椁前後

四角樹之者謂椁前後及兩旁樹之角落相望故

云四角非謂正當椁四角也云穿中於間為鹿盧

者謂穿鑿去碑中之木令使空於此空間著鹿盧兩頭各入碑木云下棺以綽繞者綽即紼也以紼之一頭繫紼以一頭繞鹿盧既訖而人各背碑負紼末頭聽鼓聲以漸卻行而下之知唯前後碑重鹿盧者以棺之入椁南北豎長前後深也案春秋天子有隧以羨道下棺所以用碑者凡天子之葬掘地以為方壙漢書謂之方中又方中之內先累椁於其方中南畔為羨道以蜃車載柩至壙說而載以龍輶從羨道而入至方中乃屬紼於棺之紼從上而下棺入於椁之中於此之時用碑綽也注如大槨者以言視桓槨不云碑知不似碑形故云如大槨耳通而言之亦謂之碑故喪大記云諸侯大夫二碑是也云四植謂之桓者案說文桓亭郵表也謂亭郵之所而立表木謂之桓即今之橋旁表柱也今諸侯二碑兩柱為一碑而施鹿盧故云四植謂之桓也

般爾以人之母

嘗巧則宣不得以

以已字言寧有強使女者與僭於禮有似作機巧非也以與已

字本其毋以嘗巧者乎則病者乎

毋音無母無也於女寧有病

苦與噫不寤止之聲

弗果從

檀弓

陳乾昔寢疾屬其兄弟

而命其子尊已曰如我死必大為我棺使吾二婢

子夾我

乾音干屬之玉反夾古洽反婢子妾也疏曰屬其兄弟而命其子尊已者尊已

者子名也兄弟言屬子云命輕重之義也

陳乾昔死其子曰以殉葬非

禮也況又同棺乎弗果殺

善乾昔子尊已不陷父於不義同上

陳子車死於衛其妻與其家大夫謀以殉葬

子車齊大

夫定而后陳子亢至以告曰夫子疾莫養於下請

以殉葬

亢音剛又苦浪反下同
孔子弟子下地下

疏曰知孔子弟子者

以論語陳亢問於伯魚

子亢曰以殉葬非禮也雖然則彼疾

當養者孰若妻與宰得已則吾欲已不得已則吾

欲以二子者之為之也

度諫之不能止以斯言拒之已猶止也

於是

弗果用

果決也同上

秦伯任好卒

任好秦穆公名

以子車氏

之三子奄息仲行鍼虎為殉

車音居行戶郎反鍼其庶反殉以俊反

子車秦大夫氏也
以人從葬為殉

皆秦之良也國人哀之為之賦

黃鳥君子曰秦穆公之不為盟主也宜哉死而棄民先王違世猶詒之法而況奪之善人乎君子是

以知秦之不復東征也

文公十年春秋左氏傳

士三虞大夫五諸侯七

尊卑思之差也天子至士葬即反虞疏曰知天子至士葬即

反虞者以其不忍一日未有所歸尊卑皆然故知葬即反虞檀弓云葬日虞不忍一日離也不顯尊卑是貴賤

同然也

雜記

愚案檀弓葬日虞是日也以虞易奠又案雜記云諸侯七虞然則天子九虞也初虞已葬日

而用柔第二虞亦用柔日假令丁日葬葬日而虞則已日二虞後虞改用剛則庚日三虞也故鄭注士虞禮云

士則庚日三虞士之三虞用四日則大夫五虞當八日諸侯七虞當十二日天子九虞當十六日最後一虞與

卒哭例同用剛日此可以
補經文之闕故備錄於此

小宗伯王崩既葬詔相喪

祭之禮

喪祭虞祔也檀弓曰葬日虞弗忍一日離也是日也以虞易奠卒哭日成事是日也以吉祭易

喪祭明日祔于祖父疏曰鄭知喪祭是虞祔也者以文承卜葬之下成葬之上其中唯有虞祔而已故以虞

祔解之也葬之朝為大遣奠反日中而虞是不忍一日使父母精神離散故云不忍一日離也士虞禮云男男

尸女女尸為神象鬼事之是以虞易奠也云卒哭日成事是日也以吉祭易喪祭者案士虞禮三虞卒哭他用

剛日云哀薦成事故檀弓記人解士虞禮云卒哭日成事祭以吉為成故云是日也以吉祭易喪祭虞祭是也

云明日祔於祖父者引之證經喪祭為虞祭又為祔祭士之禮葬用柔日假令丁日葬葬日第一虞隔戊日已

日為第二虞後虞改用剛用庚日卒哭亦用剛日隔辛日壬日為卒哭祭其祔祭又用柔日則癸日為祔祭是

士從始虞至祔日摠用七日以此差之大夫五虞諸侯七虞天子九虞相次日數可知耳此喪中自相對虞為喪祭卒哭即為吉祭以卒去無時哭哀殺故為吉祭若喪中對二十八月復平常為吉祭則禫祭已前皆為喪祭也若然喪中自相對虞為喪祭卒哭為吉祭而鄭云喪祭虞祔并祔祭亦為喪祭者此鄭欲引檀弓并祔祭摠釋故喪中之祭摠為喪祭而言其實卒哭既為吉祭祔祭在卒哭後是吉祭可知也 春官 職喪

掌諸侯之喪及卿大夫士凡有爵者之喪凡其喪祭詔

其號治其禮

鄭司農云號謂謚號玄謂告以牲號蓋號之屬當以祝之 疏曰喪祭餘文皆為虞

此言凡者以其喪中自相對則虞為喪祭卒哭為吉祭若對二十八月為吉祭則祥禫已前皆是喪祭故言凡以該之是以鄭亦不言喪祭為虞也云治其禮者案大宗伯亦云治其禮鄭云謂簡習其事此治其禮義亦然

也先鄭云號謂謚號後鄭不從者小宗伯云小喪賜謚讀謀不在此故後鄭云告以牲號蠶號之屬當以祝之有牲號蠶號謂若特牲小牢云柔毛剛鬣凡公有司之嘉薦普淖皆是祝辭故云當以祝之也

所共職喪令之趣其事

令其當供物者給事之期也
有司或言公或言國言國者由

其君所來居其官曰公疏曰云令其當供物者給事喪依式令之使相供云有司或言公或言國言國者由其君所來者解稱國之意君則王也云居其官曰公者謂不須王命自居其官之職往供則曰公公謂官之常職也春官司巫祭祀則共菹

館

菹子都反館所以承菹謂若今筐也士虞禮宜刊茅長五寸實于筐饌于西牀上春官

甸

師甸田祭祀共蕭茅

鄭大夫云蕭字或為蒿蒿讀為縮束茅立之祭前沃酒其上酒滲下

去若神飲之杜子春讀為蕭蕭香蒿也茅以供祭之
苴亦以縮酒苴以藉祭疏曰云茅以共祭之苴者則

士虞禮束茅長五寸立于几

東謂之苴者是也

天官

鄉師大祭祀共茅菹

玄謂

菹士虞禮所謂苴刈茅長五寸束之者是也祝設于几
東席上命佐食取黍稷祭于苴三取膚祭祭如初此所

以承祭既祭蓋束而去之守祧職云既祭藏其墮是與

剝音付去羌呂反祧他彫反墮吁恚反劉相恚反與

音餘

庖人共喪紀之庶羞

喪紀喪事之祭謂虞祔也疏曰凡喪未葬已

地官

前無問朝夕奠及大奠皆無薦羞之法今言共喪紀庶

羞者謂虞祔之祭乃有之又曰天子九虞後作卒哭祭

虞卒哭在寢明日祔于祖廟今直云虞祔不言卒哭者

舉前後虞祔則卒哭在其中共庶羞可知

天官

甸人獸人共獸腊人共乾肉魚人共鱸鼈醢人共豆實

詳見陳小斂條
地官

遵人共遵

詳見朔月半月奠條

外饗

饗鄭於凡容反

小喪紀陳其鼎俎而實之

謂喪事之奠祭
喪紀者謂夫人已下之喪云
疏曰言小

陳其鼎俎者謂其殷奠及虞祔之祭皆有鼎俎故鄭云喪事之奠祭也

天官

上大夫之虞

也少牢卒哭成事祔皆太牢下大夫之虞也
牲牲卒哭

成事祔皆少牢

卒哭成事祔言皆則卒哭成事祔與虞異矣下大夫虞以牲牲與士虞禮同與

疏曰上大夫平常吉祭其禮少牢虞依平常禮故用少牢也卒哭成事祔皆太牢者卒哭謂之成事成事成吉事也故云卒哭成事祔祔廟也此二祭皆大並加一等故皆太牢也下大夫之虞牲牲者下大夫吉祭用少牢今虞祭降一等用牲牲卒哭成事祔皆少牢者依平常吉祭禮也不云遣奠加者畧可知也鄭以士虞禮云

三虞卒哭他用剛日先儒以此三虞卒哭同是一事鄭
因此經云上大夫虞用少牢卒哭用太牢其牢既別明
卒哭與虞不同鄭引此文破先儒之
義故云卒哭成事與虞異矣離記 喪祝掌喪祭祝

號喪祭虞也檀弓曰葬日虞不忍一日離也是日也以
虞易奠卒哭曰成事是日也以吉祭易喪祭 春官

右虞祭 曾子問曰小功可以與於祭乎祭謂虞

卒哭時

孔子曰何必小功耳自斬衰以下與祭禮也曾子

曰不以輕喪而重祭乎怪使重 孔子曰天子諸侯

者執事

之喪祭也不斬衰者不與祭大夫齊衰者與祭士

祭不足則取於兄弟大功以下者

疏曰祭謂虞卒哭時者以孔子

荅云諸侯之喪祭也故知此祭謂虞卒哭時也知非練祥者以士練祥之祭大功之服已除不得云取於兄弟大功以下者其天子諸侯則得兼練祥也以其練祥時猶斬衰與祭也曾子問

措之廟立之主曰帝

同之天神春秋傳曰凡君卒哭而祔祔而作主疏曰措置也王葬

後卒哭竟而祔置於廟立主使神依之也白虎通云所以有主者神無依據孝子以繼為心也主用木木有始終又與人相似也蓋記之以為題欲令後可知也方尺或曰尺二寸鄭云周以栗漢書前方後圓五經異義云主狀正方穿中央達四方天子長尺二寸諸侯長一尺天神曰帝今號此主同於天神故題稱帝云文帝武帝之類也崔靈思云古者帝王生死同稱今云措之廟立之主曰帝者蓋是為記時有主入廟稱帝之義記者錄以為法也又曰凡君卒哭而祔卒哭者是葬竟虞數畢後之祭名也孝子親始死哭晝夜無時葬後虞竟乃行神

事故卒其無時之哭猶朝夕各一哭故謂其祭為卒哭
卒哭明日而立主祔于廟隨其昭穆從祖父食卒哭主
暫時祔廟畢更還殯宮至小祥作栗主入廟乃埋桑主
於祖廟門左埋重處故鄭云虞而作主至祔奉以祔祖
廟既事畢反之殯宮然大夫士亦卒哭而祔而左傳唯
據人君有主者言之故云凡君鄭注祭法云大夫士無
主也此言凡君明不關大夫士也崔靈恩云大夫士無
主以幣帛祔祔竟並還殯宮至小祥而入廟也又檀弓
云重主道也鄭注引公羊傳云虞主用桑練主用栗則
似虞已有主而左傳云祔而作主二傳不同案說公羊
者朝葬日中則作虞主若鄭君以二傳之文雖異其意
則同皆是虞祭總了然後作主以作主去虞實近故公
羊上係之於虞謂之虞主又作主為祔所須故左氏據
祔而言古春秋左氏說既葬反虞天子九虞九虞者以
柔日九虞十六日也諸侯七虞十二日也大夫五虞八
日也士三虞四日也既虞然後祔死者於先死者祔而

作主謂桑主也期年然後作栗主檀弓云虞而立尸有几筵鄭以為人君之禮唯立尸未作主也曲禮

右作主 殷主綴重焉周主重徹焉

詳見喪禮義

魯

文公二年作僖公主

主者殷人以栢周人以栗三年喪終則遷入於廟疏曰

主所用木經無正文公羊傳曰主者曷用虞主用桑練主用栗左傳唯言祔而作主主一而已非虞練再作公羊之言不可通於此也論語哀公問社於宰我宰我對曰夏后氏以松殷人以栢周人以栗先儒舊解或有以為宗廟主者故杜依用之案古論語及孔鄭皆以為社主且社主周禮謂之田主無單稱主者以張包周等並為廟主故杜所依用劉炫就此以規杜過未為得也春秋

作主非禮也

元年四月葬二年乃作主遂因葬文通識之

凡君薨卒哭

而祔祔而作主特祀於寢

既葬反虞則免喪故曰卒哭哭止也以新死者

之神祔之於祖尸柩已遠孝子思慕故造木主立几筵特用喪禮祭於寢不同之於宗廟凡君者謂

諸侯以上不通於卿大夫 烝嘗禘於廟

冬祭曰烝秋祭曰嘗新主既特祀於寢則宗廟

四時嘗祀自如舊也三年禮畢乃皆同於吉 疏曰君既葬反虞則免喪故曰卒哭哭止也始免喪

與葬不相遠共在一月之內故杜每云既葬卒哭哀麻除謂之卒哭者卒此無時之哭自此以後惟

朝夕哭耳 天子諸侯則於此除哭全不復哭也左氏傳案杜預天子諸侯既葬除喪服諒闇以

居心喪終制不與士庶同禮之議見晉書本傳於左氏傳注遂有既葬反虞則免喪之說司馬公嘗

言其失矣然其言乃曰衰麻主於哀戚然庸人無衰麻則哀戚不可得而勉又謂杜預辨則辨矣不

若陳達之言質畧而敦實也愚謂衰麻之制乃古
先聖人必孝子之情為之制服蓋天理人心之所
不容已者豈專為庸人而設以勉其哀戚哉杜預
違經悖禮淪黷綱常當為萬世之罪人坐以不孝
莫大之法而持言其不若陳達之言質畧而敦實
非所以明世教也先師朱文公曰左氏所傳祔而
作主則與禮家虞而作主者不合燕嘗禘於廟則
與王制喪三年不祭者不合杜氏因左氏之失遂
有國君卒

哭除之說

作僖公主者何為僖公作主也

主狀正方

穿中央達四方天子長
尺二寸諸侯長一尺

主者曷用虞主用桑

禮平明而

葬日中而反虞虞猶安神也用桑者取其名與其
麤狗所以副孝子之心禮虞祭天子九諸侯七卿
大夫五士三其練主用栗

謂期年練祭也埋虞主於兩階之間易用栗也

夏后氏以松殷人以栢周人以栗松猶容也想見其
容貌而事之主人正之意也栢猶迫也親而不遠
主地正之意也栗猶戰栗謹敬貌主天正之意也
禮士虞記曰桑主不文吉主皆刻而謚之蓋為禘
祫時別昭穆也虞主三代同用栗者藏主也藏于
者用意尚麤猶未暇別也廟室

中常所當奉事也質家藏於室作僖公何以書譏何譏爾不時也其

不時奈何欲久喪而後不能也

禮作練主當以十月三月文公亂聖人

制欲服喪三十六月十九月作練主又不能卒竟故以二十五月也日者重失禮鬼神公羊傳

立主喪主於虞

其主用桑

吉主於練

其主用栗

作僖公主

譏其後也


僖公薨至此已十五月

作主壞廟有時日於練焉

壞廟壞廟之道易檐可也改塗可也檐以占反禮過萬祖則

毀其廟以次而遷將納新神示有所加疏曰案莊公之喪已二十二月仍譏其為吉禘令方練而作主猶是凶服而曰吉主者三年之喪至二十五月猶未合全吉故公子遂有納幣之譏莊公喪制未二十五月而禘祭故譏其為吉此言吉者比之虞主故為吉也然作主在十三月壞廟在三年喪終而傳連言之者此主終入廟入廟即易檐以事相繼故連言之非謂作主壞廟同時也或以為練而作主之時則易檐改塗故此傳云於練焉壞廟於傳文雖順舊說不然故不從之直記異聞耳廩信引衛次仲云宗廟主皆用栗右主八寸左主七寸廣厚三寸若祭訖則納於西壁瑁中去地一尺六寸右主謂父也左主謂母也何休徐邈並與范注同云天子尺二寸諸侯一尺狀正方穿中央達

四方是與衛氏異也白虎通亦云藏之西壁則納
之西壁中或如衛說去地高下則無文以明之
穀梁
傳



儀禮經傳通解續卷六